

## **Ҳиндистон компанияси билан ҳамкорлик масалалари мұхокама қилинди**

**19.12.2019 20:00**

Күрилди: 320

Жорий йилнинг 19 декабрь куни Сув хўжалиги вазирлигига Ҳиндистоннинг “AUTOMAT IRRIGATION” компанияси директорлар кенгаси Никудж Бхая билан учрашув ўтказилди. Унда қишлоқ хўжалиги экинларини етиштиришда сув тежовчи суғориш технологияларини кенг жорий этиш билан боғлиқ масалалар мұхокама қилинди.

“AUTOMAT IRRIGATION” компанияси 1972 йилда ташкил этилган бўлиб, дунёнинг 110 мамлакатига 350 турдаги сувни тежайдиган технологияларнинг бутловчи қисмларини етказиб беради.

Учрашувда Ўзбекистонда мазкур компания билан биргаликда қўшма корхона очиш таклифи билдирилди. Шунингдек, тежамкор суғориш технологияларини ишлаб чиқарадиган маҳаллий корхоналар, лойиҳаловчи ва қурувчи ташкилотлар, агрокластер ҳамда фермер хўжаликлари вакилларини Ҳиндистонда малака оширишини йўлга қўйиш бўйича томонлар ўзаро фикр алмашдилар.

**Матбуот хизмати**

## “Сув – ҳаёт манбай” танлови якунланди

17.12.2019 16:00

Кўрилди: 393

Шу йилнинг апрель ойида Сув хўжалиги вазирлиги Европа Иттифоқи молиявий кўмагидаги Марказий Осиё минтақавий экологик марказининг сув бўйича саводхонликни оширишга қаратилган UzWaterAware лойиҳаси билан ҳамкорликда республика оммавий ахборот воситалари ходимлари учун “Сув – ҳаёт манбай” танловини эълон қилган эди.

Эркин ижодкор ва журналистлар томонидан сув ресурсларини тежаш, ундан самарали фойдаланиш, сув тежовчи суғориш технологияларини жорий этиш, бу борада вазирлик ва унинг тизимидағи ташкилотлар томонидан олиб борилаётган кенг кўламли ишлар ёритилган 98 та материал танловга топширилди. Шундан 25 таси радио маҳсулот, 25 таси телемахсулот, 25 таси матбуотда ва 23 таси интернет сайтларида эълон қилинган мақолалардан иборат.

Ҳакамлар ҳайъати ушбу материалларни синчиклаб ўрганиб чиқиб, холисона баҳолади ҳамда радио, телевидение, матбуот ва интернет йўналиши бўйича 4 нафар ғолибни аниқлади. Уларнинг ҳар бири UzWaterAware лойиҳаси маблағи ҳисобидан қимматбаҳо совғалар билан тақдирланди.

### ТАНЛОВ ҒОЛИБЛАРИ

#### Радиожурналистика йўналишида

**Каримов Худойберди**  
Жиззах вилоят телерадиокомпанияси бўлим бошлиғи

Сув тежовчи технологияларни жорий этиш, бу борада фермер хўжаликлари томонидан амалга оширилаётган ишларга доир туркум эшиттиришлари учун

#### Телевидение йўналишида

**Аҳмедов Бахтиёр**  
“O’zbekiston 24” телерадиоканалининг  
“Худудий муҳбирлар тармоғи” жамоаси,  
бош муҳаррир

Сув ресурсларини бошқариш ва сув хўжалиги объектларидан фойдаланиш тизимини янада такомиллаштириш, ирригация ва мелиорация лойиҳаларини амалга ошириш самарадорлигини таъминлаш қаратилган таҳлилий материаллар учун

## **Матбуот йўналишида**

**Жуманова Санобар**  
“Маърифат”-“Учитель Узбекистана”  
газеталари мухбири

Сув – улуғ, муқобили  
бўлмаган неъмат, уни асраб-  
авайлаш барчанинг бурчи  
эканлиги ёритилган  
таҳлилий туркум  
мақолалари учун

## **Интернет журналистикаси йўналишида**

**Сайфуллаев Ферузбек**  
Ўзбекистон Республикаси Президентининг  
Коғон шаҳар Халқ қабулхонаси оператори

Оби-ҳаётни асраш, сув  
ва ундан самарали  
фойдаланиш маданиятини  
оширишга қаратилган  
халқчил ва самимий руҳдаги  
материаллари учун

***Матбуот хизмати***

## **Наманганда бўлиб ўтган семинарда АҚШнинг пульсар суғориш тизими афзалликлариiga бағишлиланган тақдимот ўтказилди**

**28.11.2019 20:00**

Кўрилди: 353

Сув хўжалиги вазирлиги томонидан мамлакатимиз Президентининг 2019 йил 25 октябрда қабул қилинган “Қишлоқ хўжалигида сув тежовчи технологияларни жорий этишни рағбатлантириш механизмларини кенгайтириш чора-тадбирлари тўғрисида”ги ПҚ-4499-сонли қарорининг мазмун-моҳиятини тушунириш ва ижросини таъминлаш юзасидан вазифаларни белгилаб олиш бўйича жойларда семинарлар ўтказилмоқда. Семинарларда бу борада давлатимиз томонидан тақдим этилаётган имтиёзлар, хусусан, сув тежовчи суғориш технологияларини жорий этиш бўйича харажатларнинг бир қисмини қоплаш учун ажратиладиган субсидиялар миқдори ҳақида иштирокчиларга маълумот берилаяпти.

Ана шундай тадбирлардан навбатдагиси 2019 йил 28 ноябрь куни Наманган шаҳрида бўлиб ўтди. Унда Норин-Сирдарё ирригация тизимлари ҳавза бошқармаси, вилоят қишлоқ хўжалиги бошқармаси, ҳудудлардаги сув хўжалиги ташкилотлари, 2020 йилда сув тежовчи технологияларни жорий этиш бўйича манзилли дастурга киритилган 200 дан ортиқ фермер хўжаликлари ва агрокластерлар раҳбарлари иштирок этди.

Семинарда АҚШнинг “Silverleaf BMB Agro Trade Group” компанияси президенти Даниэл Паттерсон замонавий суғориш технологиялари, хусусан, пульсар суғориш тизимининг афзалликлариiga бағишилаб тақдимот ўтказди. Шунингдек, республикамизнинг “GREEN AGRO” МЧЖ, “AGROFLAST MONTAJ SERVIS” МЧЖ, “ЭКО Дрип”, “АгроДрип”, “Омад Старт” каби пудратчи ташкилотлари мутахассислари фермер хўжаликлари ва агрокластерлар раҳбарлариiga ўз имкониятлари ва томчилатиб суғориш технологияларини ўрнатиш шартлари ҳақида гапириб беришди.

2020 йилда Наманган вилоятида жами 3660 гектар майдонда сув тежовчи технологиялар, шундан 3150 гектар майдонда томчилатиб, 160 гектарда ёмғирлатиб суғориш, 350 гектарда эса пульсар суғориш технологияларини жорий этиш юзасидан пудратчи ташкилотлар вакиллари билан музокаралар ўтказилди.

***Матбуот хизмати***

## Фарғонада семинар ўтказилди

**26.11.2019 20:00**

Кўрилди: 438

Жорий йилнинг 26 ноябрь куни Фарғона шаҳрида қишлоқ хўжалигида сув тежовчи технологияларни жорий этишни рағбатлантиришга бағишиланган семинар ўтказилди. Сирдарё-Сўх ирригация тизимлари ҳавза бошқармаси томонидан ташкил этилган тадбирда Фарғона вилоятидаги барча сув хўжалиги ташкилотлари раҳбарлари, 4 та пахта тўқимачилик кластери ва 120 дан ортиқ фермер хўжаликлари вакиллари ҳамда “MIRAS AGROWORLD” МЧЖ, “Tomosha agro export” МЧЖ, “Demetra water servis” МЧЖ, “Омадстарт” МЧЖ каби сув тежовчи технологияларнинг эҳтиёт қисмларини ишлаб чиқарувчи, лойиҳаловчи ва қурувчи корхоналарнинг мутахассислари иштирок этди.

Семинарда мамлакатимиз Президентининг 2019 йил 25 октябрда қабул қилинган “Қишлоқ хўжалигида сув тежовчи технологияларни жорий этишни рағбатлантириш механизмларини кенгайтириш чора-тадбирлари тўғрисида”ги ПҚ-4499-сонли қарорининг мазмун-моҳияти, давлатимиз томонидан берилаётган имтиёзлар, хусусан, сув тежовчи суғориш технологияларини жорий этиш бўйича харажатларнинг бир қисмини қоплаш учун ажратиладиган субсидиялар миқдори ҳақида иштирокчиларга тушунтиришлар берилди.

Шунингдек, пахта тўқимачилик кластерлари ва фермер хўжаликлари вакиллари Сирдарё-Сўх ирригация тизимлари ҳавза бошқармасининг тажриба участкасида 8 гектар майдонда жорий этилган сув тежовчи технологияларнинг ишлаш жараёни билан танишди. Мутахассислар ушбу технологияларнинг афзалликлари ҳақида гапириб берди ва уларни қандай бошқаришни амалда кўрсатди. Келгуси йилда ўз даласида шундай технологияларни ўрнатиш истагида бўлган фермерларга керакли тавсиялар берилди.

Тадбир якунида Президентимиз қарори ижросини таъминлаш юзасидан вилоятда амалга ошириладиган вазифалар белгилаб олинди. Шунингдек, 2 та пахта тўқимачилик кластери билан 190 га, 60 та фермер хўжалиги билан 1489 га пахта майдонида томчилатиб суғориш технологиясини жорий этиш бўйича шартномалар расмийлаштирилди.

**Матбуот хизмати**

## Япония сармоясини жалб этиш истиқболлари мұхокама қилинди

**21.11.2019 19:30**

Күрилди: 681

2019 йил 21 ноябрь куни Ўзбекистон Республикаси Сув хўжалиги вазири Шавкат Хамраев Япониянинг мамлакатимиздаги Фавқулодда ва муҳтор элчиси Ёшинори Фужияма билан учрашув ўтказди.

Учрашув Ўзбекистон Республикаси Президенти Шавкат Мирзиёевнинг Японияга давлат ташрифига тайёргарлик доирасида бўлиб ўтди. Унда томонлар Ўзбекистон ва Япония ўртасида барча соҳаларда ҳамкорлик изчил ривожланиб бораётганлигини қайд этди.

Хозирги кунда Япония компанияларининг инвестицияларини Ўзбекистон иқтисодиётига кенг жалб этиш, жумладан, сув хўжалиги тизимини ривожлантириш, ирригация тармоқларини модернизация қилиш, ерларнинг мелиоратив ҳолатини яхшилаш соҳаларида амалга оширилаётган қўшма лойиҳалар ўз самараларини бераяпти.

Келгусида бу борада ҳамкорликни янада ривожлантириш бўйича кенг кўламли ишлар режалаштирилган. Шу мақсадда, Япония Халқаро ҳамкорлик агентлиги (JICA) билан биргаликда шўрланган майдонларда ёпиқ микродренаж тармоқларидан фойдаланиш, сув ресурсларини барқарор бошқариш, қишлоқ хўжалиги экинларини етиширишда замонавий суғориш технологиялари ҳамда сув ресурсларини бошқаришда илмий асосланган ёндашувларни жорий этиш бўйича лойиҳа таклифлари ишлаб чиқилмоқда.

Учрашувда Япония ҳукуматининг грант маблағлари ва япон инвесторларининг тўғридан-тўғри сармояларини мамлакатимиз сув хўжалиги тизимиға янада кенгроқ жалб этиш масалалари мұхокама қилинди.

**Маълумот учун:** ҳозирда Япония Халқаро ҳамкорлик агентлигининг 108,9 млн. АҚШ долларилик кредит маблағи ҳисобига “Аму-Бухоро ирригация тизимларини реабилитация қилиш” лойиҳаси доирасида “Аму-Бухоро-2”, “Қизилтепа-1”, “Ҳамза-2” насос станцияларини реконструкция қилиш ишлари амалга оширилмоқда.

**Матбуот хизмати**

## **“Янги Ўзбекистон. Янги сайловлар”**

**20.11.2019 15:00**

Кўрилди: 604

Жорий йилнинг 20 ноябрь куни Сув хўжалиги вазирлигига “Янги Ўзбекистон. Янги сайловлар” мавзусида семинар ўтказилди. Унда вазирлик марказий аппарати ва тизимдаги республика ташкилотлари ходимлари иштирок этди.

Сув хўжалиги вазири ўринбосари А.Мирзаев семинарни очиб берар экан, 22 декабрь куни бўлиб ўтадиган сайловлар мамлакатимизда амалга оширилаётган демократик ислоҳотлар, яқин ва олис истиқбол учун белгилаб олинадиган стратегик тараққиётнинг дастурий вазифаларини амалга оширишда катта аҳамият касб этишини таъкидлади.

Тадбирда Тошкент давлат юридик университети профессори Ф.Мухиддинова ва Тошкент шаҳар Адлия бошқармаси бўлим бошлиғи А.Омоновнинг сайлов ва сиёсий-хуқуқий маданият, сайлов қонунчилигига киритилган ўзгаришлар ҳамда уларнинг аҳамияти ҳақидаги маъruzалари тингланди. Хусусан, Олий Мажлис Қонунчилик палатаси, ҳалқ депутатлари вилоят, туман ва шаҳар кенгашлари депутатлигига ўтказиладиган сайловларнинг ҳалқимиз ҳаётида тутган ўрни, Сайлов кодексига киритилган янги норма ва қоидалар, сайловларда қатнашиш ва овоз бериш тартиби ҳақида маълумотлар берилди.

Иштирокчилар ўзларини қизиқтирган саволларга мутахассислардан жавоб олдилар.

**Матбуот хизмати**

## **Байроғимиз – фахримиз, ғуруримиз!**

**19.11.2019 15:00**

Кўрилди: 669

Жорий йил 19 ноябрь куни Сув хўжалиги вазирлигига Ўзбекистон Республикаси Давлат байроғи қабул қилинганлигининг 28 йиллиги муносабати билан тадбир ўтказилди. Унда вазирлик марказий аппарати ходимлари иштирок этди.

Тадбирда педагогика фанлари доктори, профессор Нодира Эгамбердиева байроғимизнинг таснифи, мазмун-моҳияти ва аҳамияти ҳақида гапириб берди.

Миллий байроғимизнинг давлат идора ва муассасалари, ўқув юртлари, Ўзбекистон аъзо бўлган халқаро ташкилотлар, чет эллардаги элчихона ва доимий ваколатхоналаримиз пештоқида ҳилпираб туриши, турли байрам ва тантаналарда, мамлакатимиз вакиллари қатнашаётган халқаро миқёсдаги сиёсий, маданий-маърифий тадбирларда, нуфузли спорт мусобақаларида Ватанимизнинг шаъни, халқимизнинг ғурурини ёрқин акс эттириши барчамизга ифтихор бағишлади. Айниқса, халқаро спорт беллашувларида ғалаба қозонган спортчиларимиз шарафига юртимиз байроғи баланд кўтарилигтан лаҳзаларда ҳар биримиз чексиз ҳаяжонга тушамиз, ҳеч кимдан кам эмаслигимизни ҳис қиласиз.

Байроғимизда юртимизнинг, халқимизнинг обрў-нуфузи юксаклигидан далолат берувчи рамзий тимсоллар мужассам. Шундай экан, ҳар биримиз байроғимизни ҳамиша эъзозлашимиз ва бошимиз узра баланд кўтаришимиз зарур.

Тадбир самимий рухда ўтди. Байроғимиз ҳақида ўқилган шеърлар барчага манзур бўлди.

**Матбуот хизмати**

## **Сув ресурсларини бошқариш тизимини ислоҳ қилиш ва сувдан фойдаланиш самарадорлигини ошириш бўйича вазифалар белгиланди**

**19.11.2019 10:30**

Кўрилди: 742

Жорий йилнинг 18 ноябрь куни Ўзбекистон Республикаси Сув хўжалиги вазирлиги Ҳайъатининг навбатдаги йиғилиши бўлиб ўтди. Ҳайъат аъзолари, вазирлик марказий аппарати масъул ходимлари, тизимдаги республика ва ҳудудий ташкилотлар, насос станциялари ва “Сувқурилишинвест” корхоналари раҳбарлари иштирокида ўтган йиғилишда тизимда амалга оширилаётган ишлар таҳлилий-танқидий муҳокама қилинди.

Йиғилишни Сув хўжалиги вазири, ҳайъат раиси Ш.Хамраев бошқарди.

Таъкидландики, 2019-2020 йиллар вегетация мавсуми кўнгилдагидек ўтди. Республикализнинг барча ҳудудларида қишлоқ хўжалиги экинларини сугоришда муаммолар кузатилмади.

Ерларнинг мелиоратив ҳолатини яхшилаш мақсадида коллектор-дренаж тармоғини реконструкция қилиш ва тиклашни таъминлаш, шунингдек, сугориладиган ерларнинг сув таъминотини яхшилаш учун янги сув омборларини қуриш масалалари бўйича 2019 йил январь-сентябрь ойларида 359 та ирригация обьектларида 1 трлн 223 млрд сўм маблағ ўзлаштирилиб, 496 км канал, 73 км лоток тармоқлари, 32 дона гидротехника иншооти, 84 дона тик сугориш қудуклари, насос станцияларининг 5,4 км босимли қувурлари ва бошқа обьектларда қуриш ҳамда реконструкция ишлари бажарилди.

Ерлар шўрланиши ва сифат жиҳатидан ёмонлашуви давом этишининг олдини олиш юзасидан мелиоратив обьектларни қуриш ва реконструкция қилиш бўйича 185 та лойиҳа доирасида 298 млрд сўм ўзлаштирилиб, 753 км коллектор тармоқлари қурилди ва реконструкция қилинди.

Бундан ташқари, 362 та лойиҳа доирасида 270 млрд сўм маблағ ўзлаштирилиб, жами 12 минг 620 км коллектор-дренаж тармоқлари тизимли таъмирланди ва тикланди.

Шунингдек, Ўзбекистон Республикаси Президентининг 2019 йил 9 октябрда қабул қилинган “Сув ресурсларини бошқариш тизимини янада такомиллаштириш чора-тадбирлари тўғрисида”ги ПҚ-4486-сонли қарорига асосан ҳалқаро молия институтлари маблағлари ҳисобига Қизилсой, Тоштепа, Паркентсой, Обизаранг, Аёқчи, Майдонсой, Испарон, Чоркесар ва Заркент сув омборларини қуриш бўйича инвестиция лойиҳаларининг техник-иктисодий асосларини ишлаб чиқиши ишлари бошланди.

Ўзбекистон Республикаси Президентининг 2019 йил 17 июндаги 5742-сонли Фармонига асосан қишлоқ хўжалигига фойдаланишдан чиқиб кетган 298 минг 563 гектар майдон ирригация ва мелиорация тадбирларини амалга ошириш натижасида икки босқичда, 1-босқич 2019-2021 йилларда жами 147 минг 703 гектар майдон фойдаланишга киритилиши белгиланган. Жорий йилда 5 минг 525 км узунликда ирригация-мелиорация тадбирларини амалга

оширилиши натижасида Қорақалпоғистон Республикаси ва вилоятларда жами 40 минг 141 гектар майдон фойдаланишга киритилди.

Ўзбекистон Республикаси Президентининг 2019 йил 17 июнданги ПФ-5742-сонли Фармони билан жорий йилда 27 минг 900 гектар, 2020 йилда 43 минг 800 гектар майдонда томчилатиб суғориш технологиясини жорий қилиш белгиланган.

Ўтган 9 ойда жами 31 минг 100 гектар майдонда ёки режага нисбатан 111 фоизга томчилатиб суғориш тизимини қуриш ва монтаж ишлари тўлик якунланиб, ушбу технология орқали суғориш ишлари амалга оширилди.

2019 йил 25 октябрь куни Ўзбекистон Республикаси Президентининг “Қишлоқ хўжалигида сув тежовчи технологияларни жорий этишни рағбатлантириш механизмларини кенгайтириш чора-тадбирлари тўғрисида”ги ПҚ-4499-сонли қарори қабул қилинди.

Қарорга биноан, сув тежовчи суғориш технологияларини жорий этиш бўйича харажатларнинг бир қисмини қоплаш учун давлат томонидан субсидиялар бериш кўзда тутилган бўлиб, 2025 йилгача 1 млн. гектар майдонга сувни тежайдиган технологиялар, шу жумладан 250 минг гектарда томчилатиб суғориш технологиясини жорий қилиш режалаштирилмоқда.

Бугунги кунда республика бўйича истеъмол қилинадиган электр энергиясининг 10 фоизи сув хўжалиги вазирлиги тизимидағи насос станциялари томонидан истеъмол қилинишини ҳисобга олганда, насос станцияларда энергия сарфини камайтириш долзарб ҳисбланади.

Жорий йилнинг ўтган даврида 431 дона насос, 1191 дона электродвигатель замонавий энерготежамкорларига алмаштирилди. Шунингдек, насос станцияларга 748 дона реактив энергиясини компенсация қилувчи 748 дона конденсатор қурилмалари ва 423 дона қуёш батареялари ўрнатилди. 108 дона насос ва 308 дона электродвигатель замонавийсига алмаштирилди. Насос станцияларидаги яроқсиз ҳолга келган 300 км босимли кувурдан 4 минг 861 метр қисмида таъмирлаш ишлари бажарилди.

Бундан ташқари, 299 та насос станцияни модернизация қилиш бўйича техник иқтисодий асослар ишлаб чиқилиб, лойиҳани молиялаштириш учун Россия томони билан келишиш ишлари олиб борилмоқда.

Амалга оширилган чора-тадбирлар натижасида насос станцияларида 2017 йилда 8 млрд 343 млн кВт/соат, 2018 йилда 7 млрд 995 млн кВт/соат электр энергияси истеъмол қилинган бўлса, жорий йилда ўтган йилгига нисбатан 480 млн кВт/соат электр энергияси тежалишига эришилди.

Сув хўжалигида ахборот-коммуникация технологиялари ва инновациялардан кенг фойдаланиш борасида Корея халқаро ҳамкорлик агентлиги (KOICA) нинг 7 млн АҚШ доллари қийматидаги грант маблағлари ҳисобига “Ўзбекистонда ахборот-коммуникация технологиялари (АКТ) асосида сув ресурсларини интеграллашган ҳолда бошқариш мастер-режаси ҳамда пилот лойиҳаси” амалга оширилмоқда.

Бугунги кунда 61 та нуқтага мўлжалланган “Ақлли сув” қурилмалари Ўзбекистонга олиб келинди, шу йил ноябрь-декабрь ойларида улар ўрнатилади ва ягона тизимга уланади.

Шунингдек, ушбу лойиҳа доирасида сув хўжалигида ахборот-коммуникация технологияларини тўлиқ жорий қилиш бўйича Мастер-режа лойиҳаси ишлаб чиқилади.

Вазирлик тизимида кадрларни тайёрлаш, уларнинг малакасини оширишга жиддий эътибор қаратилмоқда. Жорий йил бошидан 100 нафардан зиёд ходим хорижий давлатларда малака ошириб келди. Сентябрь-октябрь ойларида ирригация тизимлари бошқармаси ва туман ирригация бўлимларининг 200 нафардан зиёд раҳбар ходимлари Тошкент ирригация ва қишлоқ хўжалигини механизациялаш муҳандислари институтида малака ошириди. Машғулотларга АҚШнинг “Silverleaf international”, Исроилнинг Netafim, Туркиянинг “Грен агро” компаниясидан малакали мутахассислар жалб этилди.

Илм-фан ва ишлаб чиқаришнинг узвий боғлиқлигини таъминлаш бўйича сув хўжалиги соҳасида 10 дан ортиқ илмий ишлар ҳимоя қилинди. Шунингдек, республикамиз олий таълим муассасаларини ирригация ва мелиорация йўналишлари бўйича тамомлаган 500 нафардан ортиқ битиравчилар сув хўжалиги ташкилотларига ишга қабул қилинди. Ёш мутахассис кадрлар тизимлардаги тажрибали ходимларга “устоз-шогирд” тизими асосида бириктирилди. Уларни ижтимоий, моддий, маънавий қўллаб-куватлаш бўйича тизимли ишлар олиб борилмоқда.

Шу билан бирга, жойларда ёрдамчи хўжаликлар ташкил этилиб, иссиқхонада етиштирилган сабзавот экинлари, товук, курка, ўрдак, ғоз, чорва моллари, қўй, эчки, балиқ, асалари боқищдан тушган даромад ишчи-ходимларга қўшимча рағбат сифатида йўналтирилмоқда.

Йиғилишда мамлакатимиз Президенти томонидан жорий йил 19 сентябрь куни сув ресурсларини бошқариш тизимини ислоҳ қилиш ва сувдан фойдаланиш самарадорлигини ошириш масалаларига бағишилаб ўтказилган йиғилишда соҳа олдига қўйилган вазифалар ижроси муҳокама қилинди. Шунингдек, давлатимиз раҳбари кўрсатмаларига мувофиқ ишлаб чиқилган қишлоқ хўжалигини ривожлантиришнинг 2030 йилгача мўлжалланган стратегиясида белгиланган сувдан фойдаланиш ва уни тежаш бўйича долзарб чора-тадбирларнинг ижроси, суғоришдаги йўқотишларни қисқартириш, ажратилаётган бюджет маблағларидан самарали фойдаланиш бўйича бажарилаётган ишлар кўриб чиқилди.

Ирригация-мелиорация объектларини қуриш ва реконструкция қилиш, таъмирлаш-тиклаш, суғориладиган ерларнинг мелиоратив ҳолатини яхшилаш, бу борада Қорақалпоғистон Республикаси ва вилоятлар кесимида намунавий туманлар ташкил этиш бўйича ишлар талаб даражасида олиб борилмагани таъкидланди. Насос станциялари ва биноларини таъмирлаш, мелиоратив техникалардан мақсадли ва самарали фойдаланиш, 2019-2020 йиллар куз-қиши мавсумида амалга ошириладиган ирригация ва мелиорация тадбирларини ўюшқоқлик билан ўтказища ечимини кутаётган муаммолар борлиги эътироф этилди.

Сув хўжалиги обьектларини модернизация қилиш бўйича давлат кафолати остидаги хорижий кредит маблағларини ўзлаштириш белгиланган режа асосида олиб борилмаяпти.

Йўл қўйилган камчиликлар юзасидан Аму-Қашқадарё, Норин-Сирдарё, Чапқирғоқ Амударё ирригация тизимлари ҳавза бошқармаси раҳбарлари ва бошқа мутасаддиларнинг ҳисоботи тингланди.

Ҳайъат йиғилишида республика ва тизим ташкилотлари раҳбарларига Ўзбекистон Республикаси Президентининг 2019 йил 9 октябрдаги ПҚ-4486-сонли, 25 октябрдаги ПҚ-4499-сонли карорларида белгиланган вазифалар ижросини таъминлаш, сувдан самарали фойдаланиш, ҳисобини юритиш, ирригация тармоқларида сув тежовчи янги технологияларни қўллаш, худудларнинг сув таъминоти ва уни тежаш имкониятидан келиб чиқиб, экинларни жойлаштиришнинг такомиллаштирилган тизимини ишлаб чиқиш, соҳага замонавий ахборот технологияларини кенг жорий этиш юзасидан тегишли топшириқ ва тавсиялар берилди.

Қорақалпоғистон Республикаси ва ҳар бир вилоятда йилига камида 10 минг м<sup>3</sup> бетон ва темир-бетон маҳсулотлари ишлаб чиқариш қувватларини ташкил этиш, келгуси йилда бажариладиган ишлар бўйича манзилли дастурлар рўйхатини тузиб, 2020 йил январь ойида янгидан бошланадиган обьектлар тендерлари ўтказилишини ташкил этиш бўйича вазифалар белгилаб олинди.

Шунингдек йиғилишда, вазирлик ҳайъати ваколатига тааллукли бошқа масалалар ҳам кўриб чиқилди.

Ҳайъат йиғилишида муҳокама этилган масалалар юзасидан тегишли карорлар қабул қилинди.

**Матбуот хизмати**

## **Сув хўжалиги ташкилотларига махсус техника ва ускуналар топширилди**

**30.10.2019 17:00**

Кўрилди: 921

Сув хўжалиги вазирлиги миллий ҳамкор ҳисобланган, Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастури асосида ҳудудлардаги сув хўжалиги ташкилотларининг моддий-техник базасини мустаҳкамлаш бўйича амалий ишлар қилинмоқда. Жумладан, жорий йилда мазкур дастурнинг Германия халқаро ҳамкорлик жамияти (GIZ) томонидан амалга оширилаётган 1-компоненти доирасида пилот лойиҳалар учун танланган Андижон, Наманган, Фарғона, Сирдарё, Қашқадарё ва Сурхондарё вилоятларидағи ирригация тизимлари ҳавза бошқармаларининг тажриба майдонларига 70 мингдан зиёд мевали дараҳт кўчатлари экилди. Барча тажриба майдонларига замонавий томчилатиб сугориш технологияси ва кичик метеостанциялар ўрнатилди. Шунингдек, 6 та автосамосвал, 6 та экскаватор, 6 та дизель электрогенераторлар, 6 та насос станциялари, 6 та минитрактор ва бошқа техникалар тақдим этилган эди.

2019 йилнинг 30 октябрь куни Тошкент шаҳрида мазкур дастур доирасида Германия халқаро ҳамкорлик жамияти (GIZ) томонидан харид қилинган навбатдаги махсус оғир техникаларни топшириш маросими бўлди. Хусусан, барча пилот лойиҳалар учун мўлжалланган 6 дона 20 тонналик юк ташиш машинаси, 6 дона мобил бетон қориш ускунаси ва 6 дона кран манипуляторлар Андижон, Наманган, Фарғона, Сирдарё, Қашқадарё ва Сурхондарё вилоятларидағи ирригация тизимлари ҳавза бошқармалари топширилди. Бундан ташқари, Сув хўжалиги вазирлиги тизимидағи “Ботиометрик марказ” давлат унитар корхонасига насос станциялари ва трансформаторлар учун ўлчов ускуналари комплекти ҳамда “Давсувхўжаликназорат” давлат инспекциясига йирик тўғонларда геологик тадқиқотлар олиб бориш учун бир қатор махсус ускуналар ва георадарлар тақдим этилди.

Германиядан келтирилган мазкур техника ва ускуналарни топшириш маросимида Сув хўжалиги вазирининг ўринбосари Акмал Мирзаев, Европа Иттифоқининг Ўзбекистондаги делегацияси раҳбари Эдуард Стипрайс, Германиянинг Ўзбекистондаги элчиси Гюнтер Оверфельд, Германия халқаро ҳамкорлик жамиятининг Ўзбекистон бўйича директори Йорг Пуделька сўзга чиқиб лойиҳа доирасида амалга оширилаётган ишлар ҳақида фикр-мулоҳазаларини билдиришди. Хусусан, Европа Иттифоқининг Ўзбекистондаги делегацияси раҳбари Эдуард Стипрайснинг таъкидлашича, мазкур техника ва ускуналар Сув хўжалиги вазирлиги тизимидағи ташкилотларнинг техник имкониятларини янада оширишга хизмат қиласи.

***Матбуот хизмати***

## **Трансчегаравий сув ресурсларидан самарали фойдаланиш истиқболлари мухокама этилди**

**23.10.2019 14:00**

Кўрилди: 434

Жорий йилнинг 21–22 октябрь кунлари пойтахтимиздаги “Radissan Blu” меҳмонхонасида Марказий Осиёда трансчегаравий сув ресурсларидан фойдаланиш бўйича 2019 йилги форум бўлиб ўтди. Тадбир Ўзбекистон Республикаси Сув хўжалиги вазирлиги, АҚШ фанлар миллий академияси ва Сув ресурсларини бошқариш халқаро институти (IWMI) ҳамкорлигига ташкил этилди. Унда Ўзбекистон, Қозоғистон, Қирғизистон, Тожикистон, Афғонистон ва Покистон давлатларидан вакиллар, соҳа мутахассислари, олимлар иштирок этди.

Мамлакатимизда 2013 йилдан бўён АҚШ Халқаро Тараққиёт Агентлиги (USAID)нинг “Тадқиқот бўйича ҳамкорликни ривожлантириш” (PEER) грант дастури асосида 7 та лойиха амалга оширилган бўлиб, улардан 4 таси сув ресурсларини самарали бошқаришга қаратилган.

Жумладан, лойиха доирасида Қашқадарё вилоятида ГАТ (гео-ахборот технологияси) технологиясидан фойдаланилган ҳолда маълумотлар базаси шакллантирилган, сув тежовчи технологияларни жорий қилиш бўйича тажриба даласи ташкил этилиб, сув ресурсларини бошқаришни такомиллаштириш бўйича тавсиялар ишлаб чиқилган.

Тадбир қатнашчилари икки кун мобайнида “Тадқиқот бўйича ҳамкорликни ривожлантириш” грант дастури асосида иштирокчи давлатларда сув ресурсларидан фойдаланиш самарадорлигини ошириш, уларни муҳофаза қилишга қаратилган лойиҳалар бўйича маҳаллий эксперталар томонидан амалга оширилаётган ишларни мухокама этиш баробарида, истиқболда бу борадаги ҳамкорликни янада ривожлантириш, тадқиқотларни қўллаб-куvvatлашни давом эттириш каби масалаларга эътибор қаратдилар.

Шунингдек, тадбирда америкалик эксперталар сув ресурсларини бошқариш, иқлим ўзгаришларининг салбий оқибатларини юмшатиш, қишлоқ хўжалиги экинларидан барқарор ҳосил етиштириш борасидаги тажрибалари билан ўртоқлашдилар.

***Матбӯот хизмати***

## **Сувни тежайдиган технологияларни жорий қилишдаги долзарб вазифалар белгилаб олинди**

**21.10.2019 16:00**

Кўрилди: 405

Сув хўжалиги вазирлигига сувни тежайдиган технологияларни ишлаб чиқаришга ихтисослашган ҳамда қурувчи пудрат корхоналар раҳбарлари иштирокида давра сухбати бўлиб ўтди.

Швейцария тараққиёт ва ҳамкорлик агентлиги томонидан молиялаштирилаётган “Ўзбекистонда сув ресурсларини бошқариш миллий лойиҳаси” билан ҳамкорликда ташкил этилган тадбирда 2019 йилда республикамизда сув тежовчи технологияларни жорий қилиш борасида эришилган ютуқ ва дуч келинган муаммолар муҳокама қилинди.

Давра сухбати иштирокчилари келгуси йилларда мамлакатимизда томчилатиб суғориш жорий этиладиган майдонлар кенгайишини ҳисобга олган ҳолда, ушбу технологияни етказиб бериш имкониятлари юзасидан фикр алмашдилар. Шу мақсадда сув тежовчи технологияларнинг бутловчи қисмларини маҳаллий шароитда ишлаб чиқариш, пудрат, сервис хизматларини тизимли ташкил қилиш ҳамда технологияни ўз даласида қўллайдиган фермерларга уни ишлатиш бўйича ўқув-кўргазмали семинарлар ўтказиш, қўлланмалар тарқатиш бўйича тавсиялар берилди.

**Матбуот хизмати**

## **Сув хўжалиги соҳасини ёритувчи журналистлар учун Қашқадарё вилоятига уюштирилган медиа-тур якунига етди**

**19.10.2019 19:00**

Кўрилди: 379

Журналистлар медиа-турнинг иккинчи кунида Яккабоғ туманида бўлиб, Аму-Қашқадарё ирригация тизимлари ҳавза бошқармасининг тажриба майдонини бориб кўришиди. Тажриба майдони учун сув етиб бориши қийин бўлган, нотекис рельфли 12 гектар жой ажратилган бўлиб, баҳор ойларида бу ерга 10 минг туп узум, 3300 туп гилос, 1000 туп ўрик кўчатлари экилди. Улар томчилатиб, ёмғирлатиб ва анъанавий усулда суғорилади.

Тажриба участкасига Европа Иттифоқи томонидан молиялаштирилаётган “Ўзбекистоннинг қишлоқ худудларида сув ресурсларини барқарор бошқариш” дастури доирасида “AgroDrip” компанияси технологияси асосида томчилатиб суғориш тизими ўрнатилган. Унинг ўзига хос томони шундаки, кичик метеостанция боғнинг 3 та нуқтасида жойлашган қурилмалар орқали об-ҳаво, буғланиш даражаси ҳақидаги маълумотларни аниқлаб, марказий серверга узатади. Марказий серверда эса ушбу маълумотлар ва сарфланаётган сув сарфи таҳлил қилиб борилади. Мисол учун, ёмғир ёғадиган бўлса, тизим автомат равишда суғоришни тўхтатади ёки ҳарорат кўтарилишига қараб, сув миқдорини кўпайтиради. Тизимни мобил илова орқали масофадан бошқариш ҳам мумкин.

Журналистлар билан мулоқот чоғида Германия ҳалқаро ҳамкорлик жамияти ва Ҳалқаро сув ресурсларини бошқариш институти вакиллари дастур доирасида республикамиз бўйича 6 та вилоятда ташкил этилган худди шундай тажриба майдонлари ҳақида маълумот беришиди.

Медиа-тур иштирокчилари Шахрисабз туманидаги “Мўминобод чашмаси” Сув истеъмолчилари уюшмаси фаолияти билан ҳам танишдилар. Уюшма 12 та фермер хўжалигининг 1774 гектар, чорвачилик хўжаликларининг 127 гектар ва томорқа хўжаликларининг 87 гектар майдонига сув етказиб беради. “Мўминобод” ва “Чоршанба” каналларидан сув олувчи уюшма худудидаги 32 та кичик сув ўтказиш гидропостлари “Ўзбекистоннинг қишлоқ худудларида сув ресурсларини барқарор бошқариш” дастури доирасида Smart Stick сув ўлчаш қурилмалари билан жиҳозланди. Журналистлар мазкур қурилманинг қандай ишлатилиши билан танишдилар.

Бўлиб ўтган савол-жавобларда сувни ўлчаш ва назоратини олиб боришнинг аҳамияти, мироблар томонидан сувдан самарали фойдаланиш, исроф бўлишига йўл қўймаслик, суғориш маданиятини ошириш каби масалаларга эътибор қаратилди.

Эслатиб ўтамиз, медиа-тур Сув хўжалиги вазирлиги миллий ҳамкор ҳисобланган, Европа Иттифоқи томонидан молиялаштирилаётган “Ўзбекистоннинг қишлоқ худудларида сув ресурсларини барқарор бошқариш” дастури 1- ва 3- компонентлари доирасида уюштирилди. Унда Дастурнинг 1-компонентини амалга ошираётган Германия ҳалқаро ҳамкорлик жамияти (GIZ) ва Ҳалқаро сув ресурсларини бошқариш институти (IWMI), 3-компонентини амалга ошираётган Марказий Осиё минтақавий экологик маркази (МОМЭМ) эксперtlари ҳамда республика оммавий ахборот воситалари вакиллари иштирок этди.

**Матбуот хизмати**

## Журналистлар Шахрисабзга етиб келишди

17.10.2019 19:00

Кўрилди: 595

Сув хўжалиги соҳасини ёритувчи журналистлар учун навбатдаги медиатур Қашқадарё вилоятига уюштирилмоқда. Гуруҳ аъзолари ва ташкилотчилар ҳозирда Шахрисабз шаҳрида бўлиб турибди.

Бугун тадбир иштирокчилари учун Сув хўжалиги вазирлиги миллый ҳамкор ҳисобланган, Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастури 1- ва 3- компонентларининг тақдимоти ўтказилди.

Сайтимиз доимий ўқувчилари яхши хабардор, мазкур дастурнинг 1-компоненти Германия ҳалқаро ҳамкорлик жамияти (GIZ) томонидан Ҳалқаро сув ресурсларини бошқариш институти (IWMI) билан ҳамкорликда амалга оширилаётган бўлиб, 6 та вилоятда тажриба майдонлари ташкил этилган. Умумий майдони 60 гектарни ташкил этувчи тажриба участкаларига жами 70 минг тупдан зиёд турли мевали дараҳт кўчатлари экилган. Уларни сув тежовчи замонавий тизимлар орқали, хусусан, томчилатиб ва ёмғирлатиб суғориш йўлга қўйилган.

Дастурнинг 3-компоненти Марказий Осиё минтақавий экологик марказининг Ўзбекистондаги филиали томонидан амалга оширилмоқда ва жамоатчиликнинг сувни тежаш бўйича хабардорлигини ошириш бўйича иш олиб боради.

Тақдимотда Германия ҳалқаро ҳамкорлик жамияти, Ҳалқаро сув ресурсларини бошқариш институти ва Марказий Осиё минтақавий экологик марказининг Ўзбекистондаги филиали вакиллари журналистларга бажарилган ишлар ҳамда медиа-тур доирасида бориладиган манзиллар ҳақида атрофлича маълумот берди.

Тадбир дастурига кўра, медиа-тер иштирокчилари 18 октябрь куни Аму-Қашқадарё ирригация тизимлари ҳавза бошқармасининг Яккабоғ туманидаги тажриба майдонини бориб кўради. Бу ерда ташкил этилган интенсив боғ, уни суғориш усуллари, кичик метеостанция ва томчилатиб суғоришнинг автоматлаштирилган тизими билан танишади. Шунингдек, оммавий ахборот воситалари вакилларини Шахрисабз туманидаги “Мўминобод чашмаси” сув истеъмолчилари уюшмаси ҳудудидан ўтувчи суғориш тармоқларининг сувни ўлчаш ва назорат қилиш қурилмалари фаолияти билан таништириш режалаштирилган.

*Матбуот хизмати*

## **Қайси сугориш усулининг афзаллиги кўчатлар ҳосилга кирганда маълум бўлади**

**17.10.2019 09:00**

Кўрилди: 708

Германия халқаро ҳамкорлик жамияти (GIZ) Халқаро сув ресурсларини бошқариш институти (IWMI) билан ҳамкорликда амалга ошираётган лойиха учун танланган ҳудудлардан бири – Андижон вилояти Асака туманида жойлашган. Норин-Қорадарё ирригация тизимлари ҳавза бошқармасининг мазкур тумандаги тажриба майдонида 6 гектарлик интенсив боғ яратилган.

– Жорий йил эрта баҳорда экилган олма ва нок кўчатлари яхши ривожланди. Улар 3 хил – томчилатиб, ёмғирлатиб ва оддий усулда сугорилади - дейди Норин-Қорадарё ирригация тизимлари ҳавза бошқармаси бошлигининг биринчи ўринбосари Шухрат Эргашев.

Аграномлар 3 хил усулда сугориш жорий этилган кўчатлар ривожини кунма-кун ўрганиб, таҳлил қилиб бораяпти. Улардан қай бирининг бошқасига нисбатан қанчалик самарадорлиги, келгусида йилда, кўчатлар ҳосилга кирганида маълум бўлади.

Медиа-тур иштирокчилари тажриба майдонида бўлиб, интенсив боғни томоша қилди. Томчилатиб сугориш технологияси ва кичик метеостанция ишлашини кузатдилар. “Асакалик Лутфулла Бахромов” Сув истеъмолчилари уюшмаси, мазкур ҳудуддаги каналларда сув ўлчаш ва тақсимлаш иншоотлари ҳақида ўзларини қизиқтирган саволларга жавоб олдилар.

Эслатиб ўтамиз, медиа-тур Сув хўжалиги вазирлиги миллий ҳамкор ҳисобланган, Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастури 1- ва 3- компонентлари доирасида ташкил этилган.

Худди шундай навбатдаги медиа-тур Қашқадарё вилоятига уюштирилади.

***Матбуот хизмати***

## Томчилатиб ва ёмғирлатиб сугориш усули ўз самарасини бераяпти

16.10.2019 18:00

Кўрилди: 685

Сув хўжалиги соҳасини ёритиб келаётган журналистлар медиа-турнинг иккинчи кунида Сирдарё-Сўх Ирригация тизимлари ҳавза бошқармасининг Фарғона туманидаги тажриба майдонида бўлишиди. Тажриба майдони учун сув этиб бориши қийин бўлган, тошлок жой танланган.

Сирдарё-Сўх Ирригация тизимлари ҳавза бошқармаси бошлиғининг биринчи ўринbosари Жўрабек Сайматовнинг журналистларга маълум қилишича, бу ерда 11 гектар ерда интенсив боғ барпо қилинган. 10 минг тупга яқин олма, шафтоли, гилос, бодом кўчатлари ўтқазилган. Шундан 6 гектари томчилатиб, 2 гектари ёмғирлатиб, 3 гектари оддий усуlda суғорилади.

Тажриба участкасига “Ўзбекистоннинг қишлоқ ҳудудларида сув ресурсларини барқарор бошқариш” дастури доирасида автосамосвал, экскаватор, минитрактор тақдим этилган. Яна бошқа техникаларни етказиб бериш кўзда тутилган.

“AgroDrip” компанияси технологияси асосида ўрнатилган томчилатиб сугориш тизими журналистларда катта таассурот қолдирди. Бу – аввало, технологиянинг бир қисми бўлган кичик метеостанция билан боғлиқ. Мўъжазгина боғнинг 3 та нуқтасига ўрнатилган қурилмалардан маълумотлар метеостанцияга узатилади. Ўз навбатида марказий серверда метеостанциядан келиб тушган об-ҳаво, сарфланаётган сув ҳажми, буғланиш даражаси ҳақидаги маълумотлар таҳлил қилинади.

“AgroDrip” компанияси раҳбари Баҳтиёр Шокировнинг айтишича, об-ҳавога қараб тизим автомат тарзда томчилатиб сугориш усулида берилаётган сув ҳажмини кўпайтириши ёки тўхтатиши мумкин. Тизим мобил қурилма ёрдамида ҳам бошқарилади.

Шунингдек, журналистлар “Қува ўрта бўз анори” Сув истеъмолчилари уюшмаси, мазкур ҳудуддаги каналларда сув ўлчаш ва тақсимлаш иншоотлари билан танишди. Уюшма Қува туманидаги 1302 гектар суғориладиган ерларга хизмат кўрсатади. Шундан жорий йилда 161 гектарига ғалла, 121 гектарига ғўза экилган. 995 гектари боғ, 10 гектари тутзор. Қолган қисмини томорқа хўжаликлари ташкил этади.

Журналистлар “Қува ўрта бўз анори” Сув истеъмолчилари уюшмаси ҳудудида сувдан фойдаланиш, вегетация даврида оби-ҳаётни адолатли тақсимлаш борасида ўзларини қизиқтирган саволларга кенгаш раиси Мастура Сайфитдиновадан жавоб олдилар. Улар Қуванинг ўзига хос ташриф қофозига айланган анорзорлар, ушбу мева дараҳтларини сугориш усуллари билан танишдилар.

Медиа-тур давом этмоқда.

Матбуот хизмати

## **Журналистлар Фаргона ва Андижон вилоятларидағи сув хўжалиги объектларига медиа-тур ўюштирумокда**

**16.10.2019 10:00**

Кўрилди: 777

Сув хўжалиги соҳасини ёритиб келаётган журналистлар учун Фаргона ва Андижон вилоятларига медиа-тур бошланди. 2019 йил 15 октябрь куни Фаргона шаҳридаги “Asia Fergana” меҳмонхонасида Сув хўжалиги вазирлиги миллий ҳамкор ҳисобланган, Европа Иттифоқи томонидан молиялаштирилаётган “Ўзбекистоннинг қишлоқ худудларида сув ресурсларини барқарор бошқариш” дастури 1- ва 3- компонентларининг тақдимоти ўтказилди.

Мазкур дастурнинг 1-компоненти Германия ҳалқаро ҳамкорлик жамияти (GIZ) томонидан Ҳалқаро сув ресурсларни бошқариш Институти (IWMI) билан ҳамкорликда амалга оширилаётган бўлиб, Андижон, Наманганд, Фарғона, Сирдарё, Қашқадарё ва Сурхондарё вилоятларидаги пилот худудларида 6 та тажриба участкаси ташкил этилган. Уларнинг умумий майдони 60 гектарни ташкил этади. Тажриба участкаларига жами 70 мингдан зиёд мевали дараҳт қўчатлари экилган. Уларни сув тежовчи замонавий тизимлар орқали, хусусан, томчилатиб ва ёмғирлатиб суғориш йўлга қўйилган. Шунингдек, мазкур худуддаги учта сув истеъмолчилари ўюшмасига қўшимча 720 та кичик сув ўлчовчи иншоотлар қуриб берилди.

Дастурнинг 3-компоненти Марказий Осиё минтақавий экологик марказининг Ўзбекистондаги филиали томонидан амалга оширилмоқда ва жамоатчиликнинг сувни тежаш бўйича хабардорлигини оширишга қаратилган.

Тақдимотда Германия ҳалқаро ҳамкорлик жамияти, Ҳалқаро сув бошқариш институти (IWMI) ва Марказий Осиё минтақавий экологик марказининг Ўзбекистондаги филиали вакиллари журналистларга бажарилган ишлар ҳақида маълумот берди.

Медиа-тур дастурига кўра, 16 октябрь куни иштирокчилар Сирдарё-Сўҳ Ирригация тизимлари ҳавза бошқармасининг Фаргона туманидаги тажриба участкасида бўлиб, интенсив боғ, томчилатиб ва ёмғирлатиб суғоришнинг автоматлаштирилган тизими, мини-метеостанция фаолияти билан танишади.

Кейинги манзил Қува тумани. Журналистларни “Қува ўрта бўз анори” Сув истеъмолчилари ўюшмаси, мазкур худуддаги каналларда сув ўлчаш ва тақсимлаш иншоотлари билан таништириш режалаштирилган.

Куннинг иккинчи ярмида медиа-тур иштирокчилари Андижон вилояти Асака туманидаги тажриба участкасига йўл олади.

***Матбуот хизмати***

## 15 октябрь – Халқаро қишлоқ аёллари куни

15.10.2019 10:27

Кўрилди: 478

Бирлашган Миллатлар Ташкилоти Бош Ассамблеясининг 2007 йил 18 декабрдаги йиғилишида қишлоқ аёлларининг, шу жумладан, туб аҳолининг қишлоқ хўжалигини ва қишлоқ туманларини ривожлантиришни жадаллаштириш, озиқ-овқат хавфсизлигини таъминлаш ва қишлоқ жойларда камбағалликни йўқотишдаги роли тан олиниб, 15 октябрь - Халқаро қишлоқ аёллари куни сифатида расман эълон қилинган. Ушбу байрам илк марта 2008 йил 15 октябряда нишонланган. Бугунги кунда дунёning кўплаб давлатларида кенг нишонланиб келинмоқда.

Қишлоқдаги аёллар уй-рўзғор ишлари, асосий хизмат вазифаларидан ташқари томорқаларида қишлоқ хўжалиги ишлари билан шуғулланадилар, фарзандларини меҳнатга ўргатадилар. Шу боис, ушбу байрам дунё давлатларидағи меҳнаткаш, бағри кенг ва фидоий қишлоқ аёлларига бағишлиланган.

Бугунги кунда Сув хўжалиги вазирлиги тизимида 2700 нафардан кўпроқ хотин-қизлар ишлайди. Улар ўз меҳнати билан республикамиз иқтисодиётини ривожлантириш, жумладан, қишлоқ хўжалиги экинлари ва томорқа хўжаликларини сув билан кафолатли таъминлашга муносиб ҳисса қўшиб келмоқда.

Сув хўжалиги вазирлигига мазкур сана муносабати билан ўтказилган тадбирда вазирлик марказий аппарати ҳамда Марказий диспетчерлик, коммуникация ва кадастр хизматида меҳнат қилаётган хотин-қизларга эҳтиром кўрсатилди.

Машақкатли ва мураккаб сув хўжалиги тизимида эркаклар билан баравар меҳнат қилаётган аёлларимизнинг фидоилиги ҳар қанча таҳсинга сазовор, - деди тадбирни очиб берар экан Сув хўжалиги вазирининг биринчи ўринbosари Б. Рўзибоев.

15 октябрь – Халқаро қишлоқ аёллари кунига бағишлиланган тадбирлар вазирлик тизимидағи республика ташкилотлари, Қорақалпоғистон Республикаси Сув хўжалиги вазирлиги, ирригация тизимлари ҳавза бошқармалари, қуйи тизим ташкилотларида ҳам ўтказилди.

**Матбӯот хизмати**

## **Сув хўжалиги мутахассислари Японияда таълим олиш имкониятлари билан таниширилди**

**02.10.2019 14:00**

Кўрилди: 561

Жорий йилнинг 2 октябрь куни Сув хўжалиги вазирлигига Япония халқаро ҳамкорлик маркази (JICE) ва Япония халқаро ҳамкорлик агентлиги (JICA)нинг мамлакатимиздаги ваколатхоналари вакиллари иштирокида “Инсон ресурсларини ривожлантириш учун Япония ҳукуматининг стипендия дастури” (JDS) лойиҳаси бўйича семинар ўтказилди.

Тадбирда вазирлик мутахассислари, Ирригация ва сув муаммолари илмий-тадқиқот институти ёш олимлари, Тошкент ирригация ва қишлоқ хўжалигини механизациялаш мухандислари институти тадқиқотчилари ва талабалари иштирок этди.

JDS дастури Вазирлар Маҳкамасининг 2018 йил 9 мартағи “Ўзбекистон Республикаси вакилларини ўқитишни ташкил этиш учун Япония ҳукуматининг грант маблағларидан самарали фойдаланиш чора-тадбирлари тўғрисида”ги қарорига асосан республикамизда ўз фаолиятини олиб боради. Мазкур дастурнинг мақсади грант олувчи мамлакатларда инсон ресурсларини ривожлантиришга ёрдам беришдан иборат.

JDS лойиҳаси сув хўжалиги соҳаси бўйича Япониянинг Токио Қишлоқ хўжалиги ва технологиялар университетида инглиз тилида икки йиллик магистратура ихтисослиги бўйича ўқишни таклиф этади. Шу мақсадда Ўзбекистондан ҳар йили жами 15 нафар давлат ташкилотлари ходимлари (шундан 2 нафари сув хўжалиги йўналиши бўйича) ўқишга танлаб олинади.

Семинарда иштирокчилар Токио Қишлоқ хўжалиги ва технологиялар университетида таълим олиш учун танловда қатнашиш имкониятлари билан таниширилди.

***Матбуот хизмати***

## **Сув хўжалиги тизими ташкилотлари раҳбарлари малака ошироқда**

**23.09.2019 14:19**

Кўрилди: 1891

Жорий йилнинг 23 сентябрь куни Тошкент ирригация ва қишлоқ хўжалигини механизациялаш мұхандислари институтида Қорақалпоғистон Республикаси, Бухоро, Қашқадарё, Навоий, Сирдарё ва Хоразм вилоятларидағи ирригация тизими бошқармалари ва магистрал каналлар раҳбарлари учун бир ҳафталик малака ошириш курси бошланди.

Тадбирнинг очилишида Ўзбекистон Республикаси Сув хўжалиги вазири Ш.Хамраев, Тошкент ирригация ва қишлоқ хўжалигини механизациялаш мұхандислари институти ректори Ў.Умурзоқов ва бошқалар сўзга чиқиб, давлатимиз раҳбарияти томонидан барча иқтисодиёт тармоқларида бўлганидек сув хўжалиги тизимини изчил ривожлантириш, мавжуд сув ресурсларидан оқилона фойдаланиш, бунда тежамкор суғориш технологияларини амалиётга кенг татбиқ этиш орқали қишлоқ хўжалиги экинларидан мўл ҳосил етиштириш ва озиқ-овқат хавфсизлигини таъминлашга алоҳида эътибор берилаётганлигини таъкидлади.

Дастурга кўра, малака ошириш курси тинловчилари мамлакатимизда сув хўжалиги тизимини ривожлантиришнинг истиқболлари, соҳада бошқарувнинг илғор услубларини кенг жорий этиш, суғоришга сарфланаётган сувнинг ҳисоб-китобини тўғри юритиши, ресурстежамкор замонавий суғориш технологияларидан фойдаланишини кенгайтириш каби мухим мавзуларда маъruzалар тинглайдилар. Машғулотлар бевосита лабораторияларда, амалиёт билан боғлиқ ҳолда олиб борилади.

Шу билан бирга соҳадаги мавжуд ҳолат, эришилган ютуқлар, йўл кўйилаётган хато ва камчиликлар муҳокама қилинади.

Малака ошириш курси Швейцария тараққиёт ва ҳамкорлик агентлиги томонидан молиялаштирилаётган “Ўзбекистонда сув ресурсларини бошқариш миллий лойихаси” доирасида Сув хўжалиги вазирлиги билан биргаликда ташкил этилди.

***Матбӯот хизмати***

## **Яқин 10 йил ичида томчилатиб суғориш технологияси қўлланиладиган экин майдонлари 2 миллион гектарга етказилади**

**12.09.2019 15:00**

Кўрилди: 1759

2019 йил 12 сентябрь куни Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигига Ўзбекистон Республикаси Президентининг 2018 йил 17 апрелдаги “Қишлоқ ва сув хўжалиги давлат бошқаруви тизимини тубдан такомиллаштириш чора-тадбирлари тўғрисида”ги фармони ижросини таъминлаш борасида амалга оширилган ишларга бағишлиланган матбуот анжумани бўлиб ўтди.

Матбуот анжуманида Ўзбекистон Республикаси Сув хўжалиги вазири Шавкат Хамраевнинг маълум қилишича, сув ресурсларидан самарали ва тежамли фойдаланишни йўлга қўйиш ва экинларни суғорища ресурстежамкор инновацион технологияларини жорий этиш бўйича тизимли ишлар олиб борилмоқда. Бунда, айниқса, томчилатиб суғориш технологиясига алоҳида эътибор қаратилмоқда.

Жорий йилнинг ўтган даврида мамлакатимизда қарийб 30 минг гектар майдонда томчилатиб суғориш технологиялари ўрнатилди. Шунинг 11 минг 221 гектари ўзга, 17 минг 147 гектари боғ ва ток, 1 минг 429 гектари бошқа қишлоқ хўжалиги экинлари майдонлариридир.

Шу билан биргаликда жорий йилда республикамиизда 12,6 минг гектар майдонда плёнка тўшаб, 43,5 минг гектар майдонда қувурлар орқали, 1150 гектардан ошиқ майдонда ёмғирлатиб суғориш технологияси жорий этилди.

Ўзбекистон Республикаси Президентининг 2018 йил 27 декабрда қабул қилинган “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечикириб бўлмайдиган чора-тадбирлар тўғрисида”ги қарорида томчилатиб суғориш технологиялари жорий қилинган ҳар бир гектар пахта майдонига давлат ҳисобидан 8 миллион сўм субсидия тақдим этиш белгиланган эди. Фармонга асосан, бу йил томчилатиб суғориш технологиясини жорий этган 195 та хўжалик юритувчи субъектларга 92 миллиард сўм субсидия ажратилди.

Сув хўжалиги вазирлиги ҳар йили 200 минг гектар майдонда томчилатиб суғориш технологияси жорий этишни ва яқин 10 йил ичида ушбу технология қўлланиладиган экин майдонларини 2 миллион гектарга етказишни режалаштирган.

Вазирлик тизимида жами 1 минг 687 та насос станцияларида 5 минг 285 та агрегат мавжуд бўлиб, республикамииздаги жами 4,3 млн. гектар суғориладиган майдонларнинг 2,3 млн. гектари ушбу насос станциялар орқали суғорилади.

Насос станцияларида энерготежовчи қурилмаларнинг ўрнатилиши ҳисобига жорий йилнинг 8 ойида 5 млрд 395 млн. кВт электр энергияси сарфланди ва ўтган йилнинг шу даврига нисбатан 422 млн. кВт. соат электр энергиясини тежашга эришилди. Йил якунига қадар ушбу кўрсаткични 500 млн.кВт соатга етказиш режалаштирилган.

Агросаноат мажмуи ва озиқ-овқат таъминоти соҳасидаги лойиҳаларни амалга ошириш агентлиги бош директорининг биринчи ўринbosари Бахтиёр Камаловнинг таъкидлашича, агентликнинг асосий вазифаси хорижий молия ташкилотларининг грант ва кредит маблағларини жалб қилиш ва тадбиркорлик соҳасига йўналтиришдан иборат. Хусусан, чорвачилик, мева-сабзавотчилик, интенсив боғдорчилик, томчилатиб суғориш тизимини жорий қилиш, мева-сабзавот маҳсулотларини сақлаш учун музлаткичли омборхоналар барпо этиш, мева-сабзавотни қайта ишлаш, саралаш ва қадоқлаш технологиялари, шунингдек, замонавий иссиқхоналар барпо этиш каби ишлар шулар жумласидандир.

Матбуот анжуманида журналистлар ўзларини қизиқтирган барча саволларга атрофлича жавоб олдилар.

**Матбуот хизмати**

## **Андижонда ғўза майдонларида томчилатиб суғориш технологиясини жорий қилиш бўйича семинар ўтказилди**

**11.09.2019 15:00**

Кўрилди: 1426

Жорий йилнинг 10 сентябрь куни Андижон вилоятида ғўза майдонларида томчилатиб суғориш технологиясини жорий қилиш масалаларига бағишиланган семинар бўлиб ўтди. Унда вилоят сув хўжалиги тизими ташкилотлари, фермер хўжаликлари раҳбарлари, туман ҳокимларининг ўринbosарлари, соҳа олимлари ва мутахассислар иштирок этди.

Семинарнинг очилишида Андижон вилояти ҳокимининг қишлоқ ва сув хўжалиги масалалари бўйича ўринbosари Р.Исматуллаев, Норин-Қорадарё ирригация тизимлари бошқармаси бошлиғи Х.Хамидов ва бошқалар сўзга чиқиб, Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечиктириб бўлмайдиган чора-тадбирлар тўғрисида”ги қарорига асосан томчилатиб суғориш технологиясини жорий этган хўжалик юритувчи субъектларга қатор имтиёз ва имкониятлар яратиб бериладётганлигини таъкидлади.

Қайд этилганидек, жорий йилда вилоятнинг Балиқчи туманидаги “Жўраев Дурбек”, “Бурхон”, Избоскан туманидаги “Файзли Замин инвест”, “Буюк бетакрор диёр”, “Асронов Элмурод”, Булоқбоши туманидаги “Булоқбошилик агроном Азимжон”, Жалақудук туманидаги “Қорапўлат ерлари”, Олтинкўл туманидаги “Бахт имкон ривож”, Пахтаобод туманидаги “Жиянбек Тожибой”, “Гулзор оқ олтини”, “Супургабеков Юсупжон”, Хўжаобод туманидаги “Чилустун оқ олтини”, Кўргонтепа туманидаги “Жонтўра ерлари” фермер хўжаликлари ҳамда “Хантекс Агросервис” кластерининг ғўза етиштириладиган жами 350 гектардан ортиқ ғўза майдонларида томчилатиб суғориш технологияси жорий этилди.

Семинар иштирокчилари Кўргонтепа туманидаги 3100 гектар майдонда қишлоқ хўжалик маҳсулотлари етиштирадиган “Хантекс Агросервис” кластерининг томчилатиб суғориш технологияси жорий этилган 82 гектардаги ғўза майдонлари ҳолати билан танишдилар. Гўзанинг “Андижон-36” нави етиштирилаётган ушбу майдонларга “Нетафим” компаниясининг (Исроил) замонавий томчилатиб суғориш технологияси жорий қилинган. Вегетация мобайнода ҳар гектар майдонга ўртacha 3600–3800 кубометрдан сув берилган бўлиб, суғориш исроиллик мутахассислар томонидан ишлаб чиқилган жадвал асосида амалга оширилди. Бугунги кунда ҳар туп ғўзада ўртacha 40–45 тадан кўпроқ бўлиқ кўсак мавжуд бўлиб, кутилаётган хосилдорлик 55 центнерни ташкил этмоқда.

Шунингдек, семинарда Избоскан туманидаги “Фахриддин замин инвест” фермер хўжалиги томонидан тайёрланган шлангларни йиғиширувчи мосламанинг ишлаш принципи намойиш этилди.

Семинар якунида вилоятда келгуси йилларда тежамкор суғориш технологияларини янада кенгайтириш борасида амалга ошириладиган ишлар белгилаб олинди.

**Матбуот хизмати**

## **Ўзбекистон вакили Халқаро ирригация ва дренаж комиссияси вице-президентлигига сайланди**

**09.09.2019 09:00**

Кўрилди: 2230

Хабар берганимиздек, 2019 йилнинг 1-7 сентябрь кунлари Индонезиянинг Бали оролида III Жаҳон ирригация форуми ҳамда Халқаро ирригация ва дренаж комиссияси (ХИДК)нинг 70-Халқаро ижроия кенгаши йиғилиши бўлиб ўтди. Унда Ўзбекистондан Сув хўжалиги вазири, Ирригация ва дренаж миллий қўмитаси раиси Ш.Хамраев бошчилигидаги делегация қатнашди.

Ўзбекистон делегацияси мазкур тадбирларда фаол иштирок этиб, қатор хорижий давлатлар ва халқаро ташкилотлар вакиллари билан икки томонлама учрашув ва музокаралар ўтказди, шунингдек, Индонезиянинг сув ресурсларини бошқариш тажрибаси билан танишди.

Халқаро ирригация ва дренаж комиссиясининг бу йилги анжумани “Рақобат шароитида сув ва озиқ-овқат хавфсизлигини яхшилаш” шиори остида ўтди. Унда дунёнинг 50 дан ортиқ мамлакатидан делегациялар, халқаро ва нодавлат ташкилотлар, халқаро молия ва тадқиқот институтларидан вакиллар, ирригация ва сув ресурслари соҳасида олимлар ва мутахассислар иштирок этди. Ташкилий қўмитанинг маълум қилишича, тадбирларда 1500 нафарга яқин иштирокчи қатнашди.

ХИДКнинг 70-Халқаро ижроия кенгаши йиғилишида ташкилот фаолияти ва миллий қўмиталар билан боғлиқ ташкилий ва техник масалалар кўриб чиқилди. Шунингдек, 2019-2022 йиллар даврида ХИДК раҳбар лавозимларига сайлов ўтказилди.

ХИДК президенти Ф.Рейнардс 2019-2022 йиллар даврида ташкилот вице-президенти лавозимига Ўзбекистон Республикаси Сув хўжалиги вазири Ш.Хамраев номзодини илгари сурди. У Ўзбекистонда ирригацияни ривожлантириш ва ерларнинг мелиоратив ҳолатини яхшилаш, суғоришда сув тежовчи технологияларни жорий этиш бўйича кенг кўламли ишлар олиб борилаётганига эътибор қаратар экан, Ш.Хамраев ирригация ва дренаж соҳасида ҳамда трансчегаравий муаммоларнинг ечимини топишда катта тажрибага эга эканлигини таъкидлади.

ХИДКга аъзо мамлакатлар миллий комиссиялари вакиллари ва делегатлар Ш.Хамраевнинг номзодини бир овоздан маъқулладилар. Шунингдек, мисрлик профессор Хасем Мустафо Мухаммад ва индонезиялик профессор Муҳаммад Амрон ушбу даврга вице-президент этиб сайланди. ХИДК тузилмасида жами 9 нафар вице-президент фаолият юритади.

Тадбир якунида Халқаро ирригация ва дренаж комиссиясининг 71-Халқаро ижроия кенгаши йиғилишини 2020 йилнинг октябрь ойида Австралиянинг Сидней шаҳрида, IV Жаҳон ирригация форумини ва 73-Халқаро ижроия кенгаши йиғилишини 2022 йилда Хитой Халқ Республикасининг Пекин шаҳрида ўтказишга келишиб олинди.

**Матбуот хизмати**

## Қарши туманида янги насос станцияси ишга туширилди

**06.09.2019 18:28**

Кўрилди: 1933

2019 йил 6 сентябрь куни Қашқадарё вилояти Қарши туманида “Чўли ота” насос станциясининг очилиш маросими бўлиб ўтди. Тумандаги “Дашт” МФЙ аҳолиси томорқаларини сув билан таъминлаш мақсадида ушбу насос станциясининг барпо этилиши Европа Иттифоқининг “Ўзбекистоннинг қишлоқ ҳудудларида сув ресурсларини барқарор бошқариш” дастури доирасида Сув хўжалиги вазирлиги ва БМТ Тараққиёт Дастури (БМТД) томонидан амалга оширилаётган “Техник салоҳиятни мустаҳкамлаш” (Компонент 2) қўшма лойиҳасининг бир қисми ҳисобланади.

Тадбирда Европа Иттифоқининг Ўзбекистондаги делегацияси ҳамда БМТД вакиллари, Аму-Қашқадарё ирригация тизимлари ҳавза бошқармаси раҳбар ва мутахассислари иштирок этди. Мехмонлар лойиҳа доирасида туманда амалга оширилган ишлар билан яқиндан танищдилар.

“Дашт” МФЙ худудида 34 000 дан зиёд аҳоли истиқомат қиласи ва янги қурилган насос станцияси 1 600 хонадонга тегишли томорқа майдонларини сув билан таъминлади. Тадбир иштирокчилари мазкур худуддаги хўжаликлараро “Р-19” каналининг лойиҳа томонидан қайта таъмирланган 2,5 километр узунликдаги қисмини кўздан кечирди. 1978 йилда қурилган, 17 км узунликдаги мазкур канал Қарши ва Касби туманларидағи 18 000 гектардан зиёд экин майдонларига сув етказиб беради.

Навбатдаги манзил Қарши туманидаги “Ширкент Омонтепа” сув истеъмолчилари уюшмаси бўлди. Мазкур уюшмага лойиҳа томонидан янги, замонавий сув ўлчовчи ускуналар, 1 дона кажавали мотоцикл ва 5 дона велосипед ҳамда компьютер жиҳозлари тақдим этилган. 12 нафар мутахассис фаолият олиб бораётган “Ширкент Омонтепа” СИУ жами 4 135 гектар экин майдонига эга бўлган фермер хўжаликларига хизмат кўрсатади.

Бундан ташқари, тадбир иштирокчилари худуддаги томчилатиб суғориш технологияси жорий этилган 5 та хонадон томорқаларини кўздан кечириб, лойиҳа томонидан беғараз ёрдам сифатида берилган 260 туп мева дарахтларининг ilk ҳосилидан баҳраманд бўлдилар.

**Матбуот хизмати**

## Ўзбекистон делегацияси Жаҳон ирригация форумида қатнашмоқда

06.09.2019 18:00

Кўрилди: 1402

2019 йилнинг 1–7 сентябрь кунлари Индонезиянинг Бали оролида III Жаҳон ирригация форуми ҳамда Халқаро ирригация ва дренаж комиссиясининг 70-Халқаро ижроия кенгаши йиғилиши бўлиб ўтмоқда. Унда Сув хўжалиги вазири, Ирригация ва дренаж миллий қўмитаси раиси Ш.Хамраев бошчилигидаги Ўзбекистон делегацияси иштирок этмоқда.

Халқаро ирригация ва дренаж комиссияси 1950 йилда ташкил этилган бўлиб, ташкилот штаб квартираси Нью-Дехли шаҳрида жойлашган. У давлатлар ўртасида сув ресурсларидан фойдаланиш, сугориш, ирригация ва дренаж соҳасида ҳамкорликни янада мустаҳкамлаш, илмий-техник ютуқлардан самарали фойдаланиш ва илғор тажрибаларни амалиётга жорий этишни тарғиб қилувчи илмий-техник ва нодавлат ташкилот ҳисобланади.

Халқаро ирригация ва дренаж комиссиясининг вазифалари унинг миллий қўмиталари орқали амалга оширилади.

Ўзбекистон 1993 йилда ташкилот аъзолигига қабул қилинган бўлиб, 2006 йилда Ўзбекистон Республикаси Ирригация ва дренаж миллий қўмитаси ташкил этилган.

Халқаро ирригация ва дренаж комиссиясининг 70-Халқаро ижроия кенгаши йиғилишида Ўзбекистон Республикаси сув хўжалиги вазири Ш. Хамраев мамлакатимизда сув ресурсларидан оқилона фойдаланиш борасида амалга оширилаётган кенг кўламдаги ислоҳотлар, минтақадаги давлатлар билан сувдан самарали фойдаланиш бўйича иккитомонлама ва кўптомонлама ҳамкорлик истиқболлари, сув тежовчи технологияларни жорий қилиш бўйича кўрилаётган чора-тадбирлар, Орол фожиасининг минтақа ва дунё экологик муҳитига таъсири хақида нутқ сўзлади.

Ижроия кенгаши аъзолари ва йиғилиш иштирокчилари Ўзбекистон ҳукумати томонидан сув ресурсларидан оқилона фойдаланиш, ирригация ва дренаж соҳасида амалга оширилаётган ишларга юқори бердилар.

III Жаҳон ирригация форуми доирасида Ўзбекистон делегацияси Халқаро ирригация ва дренаж комиссияси президенти Ф.Рейндерс ва ташкилот Бош котиби Б.Пандя билан музокаралар ўтказди.

Халқаро ирригация ва дренаж комиссияси президенти Ф.Рейндерс Ўзбекистонда бевосита Президент Шавкат Мирзиёев ташаббуси билан сув ресурсларидан самарали фойдаланиш бўйича олиб борилаётган кенг кўламли ишлар, минтақа давлатлари билан ҳамкорликни ривожлантириш бўйича сайдиҳа алоҳида эътироф этди.

Музокараларда Халқаро ирригация ва дренаж комиссияси ва Ўзбекистон ўртасидаги ҳамкорлик муҳокама қилиниб, сув хўжалиги соҳасида илмий-техник ютуқлардан фойдаланиш ва инновацион янгиликларни амалиётга жорий қилиш юзасидан таклифлар билдирилди.

Ўзбекистон делегациясининг ташрифи давом этмоқда.

**Матбуот хизмати**

## **Хитой компанияси билан сервис хизмати кўрсатиш бўйича қўшма корхона тузиш истиқболлари муҳокама қилинди**

**31.08.2019 10:00**

Кўрилди: 1151

Сув хўжалиги вазирлигига Хитой Халқ Республикасининг “China Shipbuilding & Offshore International Co., Ltd” компанияси президенти Сюй Цзицю бошчилигидаги делегация билан учрашув бўлиб ўтди.

Сув хўжалиги вазири Ш.Хамраев меҳмонларни юртимизга ташрифи билан қутлар экан, ўтган йиллар давомида ушбу компания билан ҳамкорлик самарали кечганини таъкидлади. Ўз навбатида делегация раҳбари жаноб Сюй Цзицю самимий қабул учун миннатдорлик билдириб, келгусида ҳамкорлик алоқаларини янада кенгайтиришдан икки томон ҳам манфаатдор эканини эътироф этди.

Маълумки, 2014 йил 11 марта Ўзбекистон Республикаси Президентининг “Земснарядлар, қайиқлар ва уларга тегишли бутловчи қисмларни етказиб бериш учун Хитой Халқ Республикаси ҳукумати тақдим этадиган беғараз ёрдамдан самарали фойдаланишни таъминлаш чоратадирилари тўғрисида”ги қарори қабул қилинган эди. Ушбу қарор ижросини таъминлаш мақсадида 2015 йил 25 сентябрда Ўзбекистон Республикаси Қишлоқ ва сув хўжалиги вазирлиги ҳамда “China Shipbuilding & Offshore International Co., Ltd” халқаро савдо компанияси ўртасида XXP ҳукуматининг грант маблағлари ҳисобидан 20 дона земснаряд, 2 дона моторли қайиқ, 20 дона сузувчи майший вагон ва 40 дона ташиладиган эшкакли қайиқлар етказиб бериш бўйича шартнома имзоланганди.

Шартноманинг умумий қиймати 215 млн. юан (30,7 млн. АҚШ доллари)га teng. Шундан лойиҳалаштириш қиймати 18 млн. юан (2,57 млн. АҚШ доллари)ни ташкил этади.

Мазкур лойиҳа насос станцияларига сув келтирувчи каналларни лойқа чўқиндиларидан тозалаш, ирригация тизимлари ва сув таъминотини яхшилашни назарда тутади. Шу мақсадда Қорақалпоғистон Республикаси, Хоразм, Бухоро ва Қашқадарё вилоятидаги обьектларга земснаряд ва бошқа техникалар етказиб берилди.

2018 йилнинг 17 октябрида охирги земснарядлар келтирилганидан сўнг “China Shipbuilding & Offshore International Co., Ltd” компанияси билан шартнома якунига етди. Бундан ташқари, кафолат даври учун бутловчи қисмлар ҳам келтирилди.

Жорий йилнинг июль ойида ушбу компания билан зарур бутловчи қисмларни етказиб бериш бўйича қўшимча шартнома имзоланган бўлиб, уларни Хитойдан келтириш яқин кунларда бошланади.

Учрашувда земснаядларга техник хизмат кўрсатиш учун Бухоро вилоятида қўшма корхона шаклида сервис марказини ташкил этиш бўйича ҳамкорлик истиқболлари, тўғридан-тўғри инвестициялар, жумладан, янги

земснарядларни келтириш бўйича ХХР ҳукуматининг грант маблағларини жалб этиш ва томонлар манфаатига доир бошқа масалалар мухокама қилинди.

Маълумот сифатида айтиш жоизки, бугунги кунда республикамиз бўйича жами 95 дона земснаряд бўлиб, шундан 11 донаси яроқсиз ҳолда, 84 донаси ишчи ҳолатида. Улардан 20 донаси ХХР ҳукуматининг грант маблағлари ва 9 донаси инвестицион лойиҳалар ҳисобидан харид қилинган. 23 дона земснаяд “Гидромехмонтаж” қўшма корхонаси томонидан ишлаб чиқарилган. Қолган 42 донаси 2000 йилгача бўлган даврда олинган.

**Матбуот хизмати**

## Медиа-тур якунига етди

**28.08.2019 17:00**

Кўрилди: 1105

Хоразм вилоятига уюштирилаётган медиа-турнинг сўнгги кунида журналистлар Урганч давлат университети ҳамда шаҳардаги умумтаълим мактабларининг ботаника, биология, кимё фани ўқитувчилари учун сувни тежаш, ундан оқилона фойдаланиш каби мавзулар бўйича ўтказилаётган эко-дарсларни кузатишиди. UzWaterAware лойиҳаси доирасида ташкил этилган ушбу машғулотлар учун ўқитувчилар жалб этилгани бежиз эмас. Сабаби, улар ўз талабалари ва ўқувчиларига айни мавзуларда эко-дарслар ўтишади. Шу йўл билан машғулотларда кўтарилилган мавзуларни ахоли, айниқса ёш авлодга етказиш қамрови кенгаяди.

Шунингдек, медиа-тур иштирокчилари “KRASS” нодавлат нотижорат ташкилоти фаолияти билан ҳам танишиди. Агромаслаҳат маркази сифатида фаолият олиб бораётган ушбу ташкилот қишлоқ хўжалиги соҳасини қўллаб-кувватлаш орқали қишлоқ жойларда узоқ муддатли озиқ-овқат хавфсизлигини ва экологик барқарорликни таъминлаш ва фаровонликни ошириш, ахолининг турмуш шароитини яхшилашга ҳисса қўшишни ўз олдига мақсад қилиб қўйган.

Сув хўжалиги вазирлиги миллий ҳамкор ҳисобланган, Европа Иттилоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастури доирасида Хоразм вилоятига уюштирилаётган уч кунлик медиа-тур ниҳоясига етди.

*Матбуот хизмати*

## Замонавий сув ўлчаш ускуналари миробларга қўл келмоқда

28.08.2019 09:15

Кўрилди: 1273

Медиа-турнинг иккинчи кунида журналистлар Янгибозор туманидаги сув хўжалиги обьектларини бориб кўрдилар. Дастреб, “Бўзқалъя” сув истеъмолчилари уюшмаси фаолияти билан танишилди. Уюшма 2300 гектардан зиёд майдонни сув билан таъминлашга хизмат қиласи. 15 та пахтачилик ва ғаллачилик, 8 та боғдорчилик, 2 та чорвачиликка ихтисослашган фермер хўжаликлари фаолият кўрсатувчи ушбу худудга узунлиги 6,9 километрни ташкил этувчи “Бўзёп” канали орқали сув келади.

Евropa Иттифоқи томонидан молиялаштирилаётган “Ўзбекистоннинг қишлоқ худудларида сув ресурсларини барқарор бошқариш” дастурининг БМТ Тараққиёт Даствури томонидан амалга оширилаётган 2-компоненти доирасида мазкур канал тозаланди. “Бўзёп” коллекторига секундига 500 литр сув тортиш қувватига эга 2 та насос ўрнатилди. Шунингдек, уюшмага 1 та уч ғилдиракли, яъни кажавали мотоцикл, 5 та велосипед тақдим қилинди. Худудга 15 та сув ўлчаш ускуналари ўрнатилди, яна 15 тасини олиб келиш мўлжалланмоқда.

Журналистлар “Бўзқалъя” сув истеъмолчилари уюшмаси мироблари билан сухбатлашди. Иккита насоснинг қандай ишлаётганини бориб кўриб, фермер ва шахсий томорқа ер эгаларидан интервьюлар олишди.

Чапқирғоқ Амударё ирригация тизимлари ҳавза бошқармаси гидрометрлари “Дарёлик” каналидаги сув ҳажмини ҳар 5 кунда ўлчаб боришади. Медиа-тур иштирокчилари бу каналда электрон вертушка ёрдамида сув ўлчаш жараёнининг устидан чиқишиди.

Шунингдек, медиа-тур иштирокчилари Қорамази-Қиличбой ирригация тизими бошқармаси тасарруфидаги “Дарёлик” каналида доплер-профилограф – ультра товушли сув ўлчаш мосламасини ишлатиш жараёни билан танишдилар. БМТ Тараққиёт дастури доирасида бошқармага тақдим этилган ушбу ускуна сувнинг чуқурлиги, сатҳи, тезлиги, шўрланиш даражаси, ҳароратини ўлчаб, сунъий йўлдош орқали маълумотларни компьютерга етказиб бериш имконига эга.

Шу ернинг ўзида журналистларга Хоразм вилоятида сув ресурларидан самарали фойдаланиш, тежамкор сугориш технологияларини жорий этиш, сугориш маданиятини юксалтириш борасида қилинаётган ишлар ҳақида маълумот берилди.

Медиа-тур давом этмоқда.

**Матбуот хизмати**

## **Журналистлар Чапқирғоқ Амударё ирригация тизимлари ҳавза бошқармасида бўлиши**

**26.08.2019 17:00**

Кўрилди: 1219

Жорий йилнинг 26-27 август қунлари Чапқирғоқ Амударё ирригация тизимлари ҳавза бошқармасида сув ресурсларини бошқариш, мелиорация, йирик гидротехника иншоотлари ва сув омборлари, насос станциялари ҳамда энергияни тежаш йўналишлари бўйича семинар тренинглар ўтказилмоқда. Машғулотлар Сув хўжалиги вазирлиги ҳамда Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг “Техник салоҳиятни мустаҳкамлаш” 2-компоненти доирасида ташкил этилди.

Бугун семинарнинг биринчи куни бўлиб, сугориладиган ерларнинг мелиоратив ҳолатини яхшилаш бўйича машғулотларни Тошкент ирригация ва қишлоқ хўжалигини механизациялаш мұхандислари институти (ТИҚХММИ) профессори Илҳом Бегматов олиб бораяпти. Унга мелиоратив экспедиция, туман ирригация бўлимлари мутахассислари ва раҳбарлари жалб этилган.

Сув омборлари ва йирик гидроиншоотлар мутахассислари эса ТИҚХММИ профессори Асрор Янгиевнинг машғулотларида қатнашмоқда.

Семинар-тренинглар факат маъruzалардан иборат бўлиб қолмай, сухбат, мунозара усулида олиб борилмоқда, - дейди Чапқирғоқ Амударё ирригация тизимлари ҳавза бошқармаси бошлиғи Отахон Ўрозов. – Бу эса мутахассисларимизни фаол иштирок этишга ундайди. Умид қиласизки, икки кунлик семинар тизимдаги ташкилотлар мутахассислари учун фойдали бўлади. Улар соҳадаги ўзгаришлар билан танишиб, янги билимларни ўзлаштирадилар.

“Ўзбекистоннинг қишлоқ ҳудудларида сув ресурсларини барқарор бошқариш” дастурининг БМТ Тарақиёт Дастири ва Марказий Осиё минтақавий экологик марказининг Ўзбекистондаги филиали томонидан амалга оширилаётган 2- ва 3-компонентлари доирасида уюштирилаётган медиа-тур иштирокчилари мазкур семинар-тренингларни кузатди. Сув хўжалиги ташкилотлари мутахассислари билан сухбатлашиб, улардан интервьюлар олишиб.

Медиа-тур давом этаяпти.

**Матбуот хизмати**

## Журналистлар учун медиа-тур давом этади

**26.08.2019 10:05**

Кўрилди: 1186

Навбатдаги манзил Хоразм вилояти. БМТ Тараққиёт Дастури лойиҳа раҳбари Улуғбек Исламовнинг маълум қилишича, 3 кунлик медиа-тур давомида журналистлар Чапқирғоқ Амударё ирригация тизимлари хавза бошқармасида бўлишади. Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг 2-компоненти доирасида амалга оширилаётган пилот лойиҳалар билан танишади. Жумладан, “Дарёлик” канали ва ундаги гидропостлар, “Бўзқалъа” сув истеъмолчилари ассоциацияси, “Дарёлик - Арна” каналидаги насос станцияларининг ягона энерготизими ҳамда иккита мелиоратив насос станциясини бориб кўришади.

Айни дақиқаларда Урганч шаҳридаги “Ўзбекистон” меҳмонхонасида “Ўзбекистоннинг қишлоқ ҳудудларида сув ресурсларини барқарор бошқариш” дастурининг БМТ Тараққиёт Дастури ва Марказий Осиё минтақавий экологик марказининг Ўзбекистондаги филиали томонидан амалга оширилаётган 2- ва 3-компонентлари тақдимоти ўтказилмоқда.

Тафсилотлар билан кун давомида таништириб борамиз.

Эслатиб ўтамиз, Сув хўжалиги вазирлиги Европа Иттифоқи молиялаштираётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг миллий ҳамкори хисобланади.

**Матбуот хизмати**

## **Жонажон Ўзбекистоним, мангу бўл омон!**

**24.08.2019 16:48**

Кўрилди: 1176

2019 йил 24 август куни Сув хўжалиги вазирлигига Ўзбекистон Республикаси давлат мустақиллигининг йигирма саккиз йиллик байрами муносабати билан “Жонажон Ўзбекистоним, мангу бўл омон!” шиори остида маънавий-маърифий тадбир ташкил этилди. Унда Ўзбекистон Республикаси Президенти Администрацияси шўъба мудири, профессор А.Маврулов ўз маъruzаси билан иштирок этди.

А.Маврулов маъruzасида мустақиллик осонликча қўлга киритилмаганлигини таъкидлар экан, аждодларимизнинг Ватан озодлиги йўлидаги қаҳрамонликлари ҳақида ҳикоя қилиб берди. Истиқолни мустаҳкамлаш, ҳалқ манфаати йўлида барча соҳаларда амалга оширилаётган кенг қўламли ислоҳотлар тўғрисида фикрларини билдириди.

Жорий йилнинг 19 март куни давлатимиз раҳбари бошчилигига ўтказилган видеоселектор йиғилишида ёшларга бўлган эътиборни янада кучайтириш, уларни маданият, санъат, жисмоний тарбия ва спортга кенг жалб этиш, ёшларда ахборот технологияларидан фойдаланиш қўнималарини шакллантириш, юртимиз ёшлари ўртасида китобхонликни тарғиб қилиш, хотин-қизлар бандлигини ошириш масалаларига урғу берилар экан, Президентимиз томонидан 5 та муҳим ташабbus илгари сурилган эди.

Тадбирда маъruzачи ушбу 5 та муҳим ташабbusнинг аҳамияти, жойларда бу ташабbusлар доирасида амалга оширилаётган ишларнинг натижаси ҳақида гапириб берди.

Иштирокчилар сув хўжалиги вазирлиги тизимида 5 та муҳим ташабbus ижросини таъминлаш бўйича ўз фикр-мулоҳазаларини билдиридилар.

Тадбир самимий руҳда, мунозараларга бой ўтди.

**Матбуот хизмати**

## **Медиа-тур иштирокчилари Шерободдаги яқинда таъмирдан чиқарилган канални бориб кўриши**

**22.08.2019 20:10**

Кўрилди: 1204

Хабар берганимиздек, бир гурух республика ва маҳаллий оммавий ахборот воситалари вакиллари иштирокида Сурхондарё вилоятидаги сув хўжалиги обьектларига уюштирилаётган медиа-тур давом этмоқда.

Бугун медиа-тур иштирокчилари Шеробод туманидаги “Таллашқон келажаги” сув истеъмолчилари уюшмасида бўлишди. Уюшма биноси “Техник салоҳиятни мустаҳкамлаш” 2-компоненти доирасида БМТ Тараққиёт Дастури лойиҳаси асосида таъмирдан чиқарилди. Компьютер ва жиҳозлар билан таъминланди. Медиа-тур иштирокчилари мазкур уюшма фаолияти билан танишар экан, мироблар билан сұхбатлашди.

БМТ Тараққиёт Дастури лойиҳаси асосида “Таллашқон келажаги” СИУ худудидаги 5 та хонадонга томчилатиб сұғориш технологияси тақдим этилган эди. Журналистлар ушбу хонадонларда бўлиб, янги технологиянинг қандай ишлаётгани, унинг афзалликлари билан танишдилар.

“Таллашқон келажаги” СИУ икки минг гектардан зиёд сұғориладиган майдонларни сув билан таъминлаш учун хизмат қиласи. Ҳудуднинг асосий сув манбаи бўлган “R-20” канали 1967 йилда қурилган бўлиб, кейинги йилларда таъмирлашга муҳтоҷ бўлиб қолган эди. Сув йўқотишлари кўп бўлганидан қулоқнинг охиридаги фермер хўжаликларига сув яхши етиб бормас эди.

БМТ Тараққиёт Дастури лойиҳаси асосида мазкур канал таъмирдан чиқарилди. Натижада сув йўқотишларининг олди олинди, сув мўл бўлганидан энг чекка ҳудудлардаги майдонларда ҳам экинлар яхши ривожланди. Айниқса, фермерлар бу йил пахтадан юқори ҳосил кутишмоқда.

Медиа-тур иштирокчилари сув хўжалиги ташкилотлари мутахассислари, фермерлар билан сұхбатлашиб, улардан интервьюлар олишди.

Эслатиб ўтамиз, медиа-тур Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг БМТ Тараққиёт Дастури ва Марказий Осиё минтақавий экологик марказининг Ўзбекистондаги филиали томонидан амалга оширилаётган 2- ва 3-компонентлари доирасида уюштирилмоқда.

Сув хўжалиги вазирлиги “Ўзбекистоннинг қишлоқ ҳудудларида сув ресурсларини барқарор бошқариш” дастурининг миллий ҳамкори ҳисобланади.

## **Журналистлар учун Сурхондарёдаги сув хўжалиги объектларига медиа-тур уюштирилмоқда**

Чоп этиш

**20.08.2019 19:00**

Кўрилди: 1500

Европа Иттифоқи томонидан молиялаштирилаётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг БМТ Тараққиёт Дастири ва Марказий Осиё минтақавий экологик марказининг Ўзбекистондаги филиали томонидан амалга оширилаётган 2- ва 3-компонентлари доирасида пойтахтдан бир гурух оммавий ахборот воситалари вакиллари Сурхондарё вилоятига ташриф буюрдилар.

Бугун Термиз шаҳрида мазкур дастурнинг тақдимоти ўтказилди. Унда маҳаллий оммавий ахборот воситалари вакиллари ҳам қатнашди. БМТ Тараққиёт Дастири лойиҳа раҳбари Улуғбек Исламов мазкур дастур ва унинг “Техник салоҳиятни мустаҳкамлаш” 2-компоненти доирасида 2017–2019 йилларда бажарилган ишлар ҳақида маълумот берди.

Таъкидланишича, сув ресурсларини бошқаришда техник салоҳиятни мустаҳкамлаш учун Фарғона, Сирдарё, Самарқанд, Сурхондарё, Қашқадарё ва Хоразм вилоятлари танлаб олинган. Ушбу вилоятларнинг ирригация тизимлари ҳавза бошқармаси билан ҳамкорликда сув таъминоти ва сув ресурсларини самарали бошқариш, моддий-техник базани мустаҳкамлаш, ходимлар малакасини ошириш бўйича иш олиб борилаяпти.

Тадбирда Марказий Осиё минтақавий экологик марказининг Ўзбекистондаги филиали томонидан амалга оширилаётган 3-компонент доирасидаги Сувни тежаш бўйича хабардорликни ошириш (UzWaterAware) лойиҳасининг аҳамияти ҳақида мазкур лойиҳа эксперталари Резида Эрдман ва Екатерина Устиненко гапириб берди.

23 августга қадар давом этадиган медиа-тур доирасида оммавий ахборот воситалари вакиллари БМТ Тараққиёт Дастири томонидан Сурхондарё вилоятидаги сув хўжалиги объектларида амалга оширилаётган пилот лойиҳалар билан ҳам танишадилар.

Эслатиб ўтамиз, Сув хўжалиги вазирлиги Европа Иттифоқи молиялаштираётган “Ўзбекистоннинг қишлоқ ҳудудларида сув ресурсларини барқарор бошқариш” дастурининг миллий ҳамкори ҳисобланади.

***Матбуот хизмати***

## Миср компанияси вакиллари билан учрашув ўтказилди

**08.08.2019 14:00**

Кўрилди: 1194

Ўзбекистон Республикаси Сув хўжалиги вазирлигига Миср Араб Республикасининг “Orascom Constuction” қурилиш-инвестиция компанияси вакиллари билан учрашув ўтказилди.

“Orascom Constuction” компанияси директори Тамер Шафекнинг таъкидлашича, 1952 йилда ташкил этилган компания ўтган йиллар давомида Америка, Европа, Африка ва Осиёнинг 24 та мамлакатида инфратузилма ва саноат объектларини қуриш бўйича 100 дан зиёд лойиҳаларни амалга оширган. Шу жиҳатдан, “Orascom Constuction” бугунги кунда дунёнинг етакчи компанияларидан бири ҳисобланади.

Йиллик маблағ айланмаси 4,3 миллиард АҚШ долларидан ошади. Компания Миср ва бошқа мамлакатларда саноат ва энергетика соҳасидаги лойиҳаларни амалга оширишга 1 миллиард доллардан зиёд инвестиция киритган.

Мулоқот чоғида “Orascom Constuction” компанияси директори Тамер Шафиқ Ўзбекистонда лойиҳаларни амалга ошириш ва уларга инвестиция киритишга тайёрлигини билдириди. Жумладан, “Қарши магистрал каналини қайта тиклаш” лойиҳасида қатнашиш бўйича тартиб-қоидалар тўғрисида вазирлик томонидан батафсил маълумот олди.

Ўз навбатида Сув хўжалии вазири ўринбосари А.Мирзаев тўғридан-тўғри инвестициялар киритиш мақсадида мисрлик меҳмонга Самарқанд вилояти, Жомбой туманида жойлашган заводда насос ишлаб чиқаришни йўлга кўйишини таклиф этди.

“Orascom Constuction” компанияси директори Тамер Шафек ушбу таклифни ўрганиб чиқишини таъкидлади

Учрашув самимий ва дўстона рухда ўтди. Томонлар келгусида ҳамкорликни янада мустаҳамлашга келишиб олдилар.

*Матбуот хизмати*

## **Ахборот хавфсизлигини таъминлаш ва ижро интизомини мустаҳкамлаш масалалари мухокама қилинди**

**27.07.2019 14:40**

Кўрилди: 1304

2019 йил 27 июль куни Ўзбекистон Республикаси Сув хўжалиги вазирлигига тизимдаги республика ва худудий ташкилотлар ҳамда муассасаларнинг ахборот хавфсизлиги ва ижро интизомини мустаҳкамлаш бўйича масъул ходимлари иштирокида ўқув-семинар ўтказилди. Тадбир Ўзбекистон Республикаси Ахборотлаштириш ва телекоммуникациялар соҳасида назорат бўйича давлат инспекцияси “Техник кўмаклашиш маркази” ДУК билан ҳамкорликда ташкил этилди.

Семинарни Сув хўжалиги вазирининг биринчи ўринbosари Б. Рўзибоев кириш сўзи билан очиб, бугунги глобал тараққиёт шароитида мамлакатимиз иқтисодиётининг барча жабҳаларида, жумладан, сув хўжалиги соҳасида идоравий иш юритиш, хужжатлар алмашинувини ташкил этишда замонавий ахборот-коммуникация воситаларидан кенг фойдаланиш, янги инновацион усуллар ва технологияларни жорий этиш, ахборот хавфсизлигини таъминлаш орқали ижро интизомини мустаҳкамлашга эришиш долзарб аҳамият касб этаётганлиги таъкидлади.

Семинарда бугунги кунда тизимда меҳнат қилаётган ҳар бир мутахассисдан фаолияти мобайнида илғор ахборот-коммуникация технологияларидан кенг фойдаланган ҳолда иш самарадорлигини ошириш тақозо этилаётганлиги қайд этилди.

Шу жиҳатдан қатнашчилар, идоравий иш юритища замонавий ахборот-коммуникация технологияларидан кенг фойдаланиш, хужжатлар билан ишлаш жараёнида электрон ҳужжат алмашиш тизимларини қўллаш, бунда ахборот хавфсизлигини таъминлаш, ижро интизомига қатъий амал қилиш, жисмоний ва юридик шахслар мурожаатлари билан ишлаш каби қатор мухим мавзулардаги маъruzalarни тинглаш баробарида, жойларда бу борада мавжуд ҳолатларни таҳлил қилиб, фаолият самарадорлигини янада ошириш юзасидан ўзаро фикр алмашдилар.

**Матбуот хизмати**

## Вазирлик ҳайъатининг навбатдаги йиғилиши бўлиб ўтди

13.07.2019 15:30

Кўрилди: 1404

2009 йилнинг 13 июль куни Ўзбекистон Республикаси Сув хўжалиги вазирлиги ҳайъатининг навбатдаги йиғилиши бўлиб ўтди. Унда тизимда 2019 йилнинг I ярим йиллигига ижтимоий-иктисодий ривожлантириш ва иқтисодий ислоҳотларни чуқурлаштириш якунлари ҳамда галдаги долзарб вазифалар муҳокама этилди.

Йиғилишда Вазирлар Маҳкамасининг Аграр ва озиқ-овқат соҳаларини ривожлантириш масалалари Котибияти, Ўзбекистон Республикаси Бош Прокуратурасининг Қишлоқ хўжалиги соҳасида қонунчилик ижроси устидан назорат бошқармаси вакиллари, вазирлик ҳайъати аъзолари, марказий аппарат бошқарма ва мустақил бўлим бошлиқлари, Қорақалпогистон Республикаси Сув хўжалиги вазири, вилоятлар ирригация тизимлари ҳавза бошқармалари бошлиқлари ҳамда вазирлик тасарруфидаги республика ва тизим ташкилотлари раҳбарлари иштирок этди.

Ўзбекистон Республикаси Сув хўжалиги вазири, ҳайъат раиси Ш.Хамраев бошқарган йиғилишда ҳудудларни ва иқтисодиёт тармоқларини сув ресурслари билан барқарор ва узлуксиз таъминлаш, сувдан фойдаланиш маданияти даражасини ошириш, суғориладиган ерларнинг мелиоратив ҳолатини яхшилаш ва барқарорлигини таъминлаш, вазирлик тасарруфидаги давлат насос станциялари, уларда ўрнатилган насос агрегатлари, суғориш ва мелиоратив қудуқлар, коллектор-дренаж тармоқлари ва иншоотларнинг ишончли ишлашини таъминлаш, ирригация-мелиорация обьектларини қуриш ва реконструкция қилиш, таъмиrlаш-тиклаш борасида амалга оширилган ишлар танқидий жиҳатдан таҳлил қилинди.

Қайд этилдики, вазирлик тизимида ўтган йилнинг шу даврига нисбатан нисбатан 175,0% кўп саноат маҳсулотлари, жумладан, 350 дона электродвигатель ҳамда 340,0 млн. сўмлик эҳтиёт қисмлар ишлаб чиқарилган. Давлат кафолати остидаги хорижий кредит маблағлари ҳисобига 6 та лойиҳа доирасида халқаро молия институтларининг жами 72,59 млн. АҚШ доллари миқдоридаги маблағлари ўзлаштирилган ёки ҳисобот даврига нисбатан 171 фоизни ташкил этган. Тизимда 866,2 млрд. сўм (тасдиқланган графикка нисбатан 108%) капитал маблағлар ўзлаштирилиб, умумий узунлиги 379,1 км каналлар, 63,2 км лоток тармоқлари, 28 дона гидротехник иншоотлар, насос станцияларнинг 5,3 км узунликдаги босимли қувурлари, 19 дона тик суғориш қудуқларида қуриш ва реконструкция қилиш ҳамда 10,9 км узунликда кирғокларни мустаҳкамлаш ишлари амалга оширилган.

Шу билан бир қаторда ҳисобот даврида бир қатор хато ва камчиликларга, қолоқликларга ҳам йўл қўйилган бўлиб, ҳозирда ечимини кутаётган масалалар

мавжуд. Ҳудудларда лимит бўйича ажратилган сувдан оқилона фойдаланиш, сугоришда тежамкор усуллар, хусусан, томчилатиб суғриш технологияларини жорий этиш, қишлоқ хўжалик экинлари, жумладан, ғўзани сугоришини тунда ўтказиш, айниқса, сугоришини шарбат усулида ташкил этиш масалаларига етарлича эътибор қаратилмаяпти.

Йиғилишда вазирлик таркибий бўлинмалари, тизимдаги республика ва худудий ташкилотлар раҳбарларининг ўzlари раҳбарлик қилаётган соҳаларда ислоҳотларни янада жадаллаштириш, қишлоқ хўжалик экинларини сугоришга ресурстежамкор технологияларни кенг жорий этишни кенгайтириш ҳисобига сув ресурсларидан оқилона ва тежаб-тергаб фойдаланиш ҳамда мўл ва сифатли ҳосил этиштиришга эришиш борасида амалга оширилаётган ишлар ва истиқболдаги долзарб вазифалар тўғрисидаги ҳисботлари тингланди.

Йиғилишда сув хўжалигини 2030 йилгача бўлган ривожлантириш Концепциясини ишлаб чиқиши, Ўзбекистон Республикаси Президентининг 2018 йил 19 декабрдаги “Ўзбекистон Республикасининг 2019 йилга мўлжалланган Инвестиция дастурини амалга ошириш чора-тадбирлари тўғрисида”ги ПҚ-4067-сонли қарорига асосан вазирликка 2019 йил учун ажратилган капитал қўйлмаларнинг ўзлаштирилишини ташкил этиш, вазирлик марказий аппарати, тизимдаги республика ва худудий ташкилотларда ҳужжатлар, шу жумладан, жисмоний ва юридик шахсларнинг мурожаатлари билан ишлаш, ижро мониторингини юритиш ва ижро интизомига риоя этилишини таъминлашда мутасадди раҳбар ва ходимларнинг шахсий жавобгарлиги ва масъулиятини янада кучайтириш билан боғлиқ самалалар ҳам кўриб чиқилди.

Ҳайъат йиғилишида муҳокама этилган масалалар юзасидан тегишли қарорлар қабул қилинди.

**Матбуот хизмати**

## **Тежамкор суғориш технологияларини жорий этишга бағишенгандык республика ўқув-амалий семинари бўлиб ўтди**

**08.07.2019 09:15**

Кўрилди: 1428

Жорий йилнинг 6 июль куни Ўзбекистон Республикаси Сув хўжалиги вазирлиги ҳамда Швейцария тараққиёт ва ҳамкорлик агентлиги томонидан сув ресурсларидан самарали фойдаланиш ва сувни тежайдиган технологияларни жорий қилиш бўйича республика ўқув-амалий семинари ташкил этилди. Швейцария тараққиёт ва ҳамкорлик агентлигининг беғараз кўмаги асосида молиялаштирилаётган Ўзбекистонда сув ресурсларини бошқариш миллий лойиҳаси доирасида ўтказилган ушбу тадбирда соҳага алоқадор вазирлик, идоралар вакиллари, олимлар, Қорақалпоғистон Республикаси ва вилоятлар сув хўжалиги ташкилотлари мутахассислари, фермерлар, сув истеъмолчилари уюшмаларининг вакиллари, оммавий ахборот воситалари ходимлари иштирок этди.

Иштирокчилар дастлаб Тошкент туманининг Ҳасанбой қўрғонида жойлашган, сув тежовчи технологияларнинг бутловчи қисмларини ишлаб чиқараётган “ECO DRIP LUX” компанияси фаолияти билан танишди. Бу ерда семинарнинг очилиш маросимида сўзга чиқсан Ўзбекистон Республикаси Сув хўжалиги вазири Ш.Хамраев, Ўзбекистон Республикаси Сенатининг Аграр, сув хўжалиги масалалари ва экология қўмитаси раиси Б.Тожиев ва бошқалар, мамлакатимизда сув ресурсларидан тежамли ва самарали фойдаланиш асосида суғориладиган майдонлардан олинадиган ҳосил миқдорини ошириш, озиқовқат маҳсулотлари ишлаб чиқаришни кенгайтириш, сифатини яхшилаш ҳамда ички бозорни тўлдириш орқали аҳоли турмушини янада яхшилаш борасида самарали ишлар амалга оширилаётганлигини таъкидладилар.

Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечиктириб бўлмайдиган чора-тадбирлар тўғрисида”ги қарори бу борада муҳим дастуриламал бўлиб хизмат қилмоқда.

“ECO DRIP LUX” масъулияти чекланган жамияти мамлакатимизда томчилатиб суғориш технологияси ускуналари ва бутловчи қисмларини ишлаб чиқараётган 10 дан ортиқ маҳаллий корхоналардан биридир.

2011 йилда ташкил этилган мазкур корхонада қишлоқ хўжалик экинларини томчилатиб суғориш тизими учун полиэтилен шланглар, турли ҳажмдаги фитинглар, полиэтилен қувурлар, геомембраалар ва тез йигилувчи модул спринклерлари каби 800 хил турдаги маҳсулот ишлаб чиқарилмоқда. Бугунги кунда корхонада 100 дан ортиқ иш ўринлари яратилган.

Корхонада ишлаб чиқарилаётган маҳсулотлар семинар катнашчиларида катта қизиқиши уйғотди. Маҳсулот ишлаб чиқаришда маҳаллийлаштиришни кенгайтириш ва таннархни камайтириш юзасидан фикр-мулоҳазалар билдирилди.

Шундан сўнг семинар қатнашчилари вилоятнинг Янгийўл туманида жойлашган, ғалла, картошка, сабзи, ерёňfoқ каби қишлоқ хўжалиги экинлари етиширишга ихтисослашган “Агрөвер” МЧЖнинг картошка экин майдонларида жорий этилган ёмғирлатиб суғориш технологияси билан танишдилар. Бу ерда суғориш ишлари АҚШнинг “Valmont” (Valley) компанияси томонидан ишлаб чиқарилган “Пивот” ҳамда “Спринклер” турдаги ёмғирлатиб суғориш технологиялари орқали амалга оширилмоқда.

Ёмғирлатиб суғориш технологиясининг афзаллиги шундаки, суғориш ишлари тўлиқ автомат тарзда амалга оширилиб, суғориш меъенини камайтириш ёки кўпайтириш орқали тупроқнинг намиқиши чуқурлигини эҳтиёжга қараб ўзгартириш мумкин. Бунда сув дала бўйлаб бир текис тақсимланади. Шунингдек, ёмғирлатиб суғорилганда далада микроиқлим яратилиб, экиннинг жадал ўсиб-ривожланишига қулай шароит яратилади. Бундан ташқари, минерал ўғитлар ва бошқа кимёвий воситаларни сувга қўшиб бериш ҳам мумкин. Далада суғориш эгатлари ва ўқариқлар олишга зарурат туғилмайди. Оқава сувлар бўлмаганлиги туфайли, далани кам меъёрдаги сув билан ҳам сифатли суғоришга эришилади. Қишлоқ хўжалик экинларидан мўл ва сифатли ҳосил етиширилиб, ердан фойдаланиш самарадорлиги ортади. Айни пайтда ишчи кучи ва сарф-харажатлар бирмунча тежалади.

“Агрөвер” МЧЖнинг 1,5 минг гектардан зиёд картошка майдонига ёмғирлатиб суғориш тизими жорий этилган бўлиб, гектаридан 45 тоннадан ошириб ҳосил олишга эришиляпти.

Куннинг иккинчи ярмида семинар Сирдарё туманидаги “Peng Sheng” Ўзбекистон-Хитой қўшма корхонасининг томчилатиб суғориш технологияси асосида парваришланаётган пахта майдонларида давом этди. Бу ерда 140 гектар майдонда Хитойнинг томчилатиб суғориш технологияси жорий қилинган.

Мазкур худудда ғўза қатор оралари 76 см схемада плёнка остига апрель-май ойларида экилган. Бугунги кунга қадар гектарига 150–200 м<sup>3</sup> меъёр билан 3 марта суғориш ишлари амалга оширилди. Ушбу майдонлардан 60 центнердан ошириб хирмон кўтариш режалаштирилмоқда.

Шундан сўнг қатнашчилар Жиззах вилояти Пахтакор туманидаги “Silverleafе ВМВ Agro Trade Group” Ўзбекистон-Америка қўшма агрокластерига ташриф буюришди. Кластернинг умумий ер майдони 11 минг 300 гектарни ташкил этади. Ушбу кластерда қишлоқ хўжалиги экинларини сув билан таъминлашда замонавий, автоматлаштирилган, юқори самарадор комплекс суғориш тизими – Пульсар (ёпик қувур орқали) технологияси жорий қилинган.

Мазкур инновацион технологияни 2,2 минг гектар майдонда жорий қилиш кўзда тутилган бўлиб, ушбу тизимда далага сув суғориш манбаидан ер ости ёпик қувур тизими орқали етказиб берилиши ҳисобига 30 фоизгача тежалади ва суғориш самарадорлиги ортади.

Бунда далада ер ости ва устки қувурлар, гидрант, автомат бошқариш тизими, назорат ўлчов асбоблари ўрнатилиб, шунинг билан бирга ўқариқлар ўрнига фойдаланиладиган эгилувчан қувурлар ҳисобига сарфланадиган сув меъёри ҳамда меҳнат харажатлари қисқаради.

Семинарнинг якуний манзили Пахтакор туманида жойлашган “Яз Бекзод” фермер хўжалиги бўлди. 2000 йилда ташкил топган хўжаликнинг умумий ер майдони 540 гектарни ташкил этиб, жорий йилда шунинг 210 гектарида ғўза парвариш қилинмоқда. Ҳозирги кунда хўжаликда томчилатиб суғориш технологиясини жорий қилиш бўйича қурилиш-монтаж ишлари якунланиб, 1-суғориш ишлари олиб борилаяпти.

Бундан ташқари, ушбу фермер хўжалигига ғўзани кўчма эгилувчан қувурлар орқали суғориш тизими ҳам жорий қилинган.

Фикр-мулоҳазалар, савол-жавобларга бой ўтган ушбу ўқув-семинар мамлакатимизда сув ресурсларидан янада тежамли ва оқилона фойдаланишда янги технологияларни кенг жорий этишга хизмат қилиши шубҳасиз.

*Матбуот хизмат*

## **Марказий Осиё минтақавий экологик маркази Ижрочи директори билан учрашув ўтказилди**

**03.07.2019 10:15**

Кўрилди: 1359

2019 йил 2 июль куни Ўзбекистон Республикаси сув хўжалиги вазири Ш.Хамраев Марказий Осиё минтақавий экологик маркази (МОМЭМ) Ижрочи директори лавозимига яқинда сайланган ҳамда асосий миллий ва халқаро ҳамкорлар билан танишиш мақсадида Ўзбекистонга илк расмий ташриф билан келган З.Махмудов билан учрашув ўтказди.

Учрашувда вазир З.Махмудовни МОМЭМ Ижрочи директори лавозимига сайлангани билан қутлар экан, ушбу марказ билан ҳамкорлик янада юқори босқичга кўтарилишига умид билдириди.

Ўз навбатида меҳмон Сув хўжалиги вазирлиги МОМЭМ фаолиятини қўллаб-қувватлаб келаётганини эътироф этар экан, қўшма лойиҳаларни амалга ошириш бўйича олиб борилаётган ишлар учун миннатдорлик билдириди. Ушбу марказни ташкил этишда Марказий Осиё минтақасидаги бешта давлат иштирок этганлигини ва шу сабабли ташкилот минтақадаги барча давлатлар манфаати учун хизмат қилишини алоҳида таъкидлади.

Учрашувда томонлар қўшма чора-тадбирларнинг ижроси ва илгари бошланган лойиҳаларни амалга ошириш бўйича мавжуд ҳолатни муҳокама қилдилар. Бу борада айниқса Халқаро ҳамкорлик бўйича Германия жамияти ва Швейцария тараққиёт ва ҳамкорлик агентлиги каби халқаро ташкилотлар билан биргаликда Ўзбекистонда муваффакиятли амалга оширилган бир нечта лойиҳалар мисол қилиб келтирилди.

Шунингдек, халқаро ҳамкорлар иштирокида реконструкция қилинган Бад-Бад ва Жанубий Фарғона каналлари республика сув ресурсларини бошқариш ва улардан самарали фойдаланишни яхшилаш бўйича қўшма чора-тадбирларнинг ёрқин мисоли эканлиги айтиб ўтилди.

МОМЭМ Ижрочи директори мавжуд масалаларни ҳал этиш юзасидан кўрилаётган чора-тадбирлар ҳақида тўхталар экан, марказнинг Ўзбекистондаги филиали билан бевосита жойлардаги лойиҳалар ўртасида мувофиқлаштириш етарли даражада эмаслигини таъкидлади. Шу билан бирга томонлар Орол денгизи ҳавзасида иқлим ўзгаришига мослашиш ва унинг оқибатларини юмшатиш бўйича Жаҳон банки иштирокидаги минтақавий лойиҳа (CAMP4ASB) муваффакиятли амалга оширилаётганини эътироф этдилар.

Томонлар Ўзбекистон сув хўжалигини ривожлантириш соҳасида ўзаро манфаатли ҳамкорлик йўналишларини белгилаб олиш учун учрашув ва мулоқотларни давом эттиришга келишиб олдилар.

**Матбуот хизмати**



## **Талабаларнинг инновацион технологияси муҳокама қилинди Чоп этиш**

**30.06.2019 14:00**

Кўрилди: 1357

Тошкент ирригация ва қишлоқ хўжалигини механизациялаш муҳандислари институтида Сув хўжалиги вазирлигининг Инновацион технологияларни жорий қилиш ва таълим бошқармаси билан ҳамкорликда “Иқтидорли талабаларнинг инновацион ишланмаларини сув хўжалиги тизимига жорий этиш” мавзусида давра суҳбати ўтказилди.

Унда талабалар томонидан яратилган каналларни тозалашда бетон қоплама сифатини сақлаш ва экскаватор тишлари мустаҳкамлигини оширувчи қурилма, “Ecofreezeri” экологик тоза совутгичи, “Smart Farmer” мобил илова, Сув ўлчаш иншоотлари учун мобил илова, Инновацион пенолоток, “Гидроэлектрометр” гидротехник иншоотларда сув сатхини ўлчашнинг автоматлаштирилган инновацион технологияси сингари 11 та янги ишланма муҳокамадан ўтказилди.

Улар орасидан Дурдона Каримованинг “Намлик ва ҳароратни аниқлаш” қурилмаси, Шахноза Ҳамроеванинг “MEASURING WATER LEVELS IN WELLS” кудуқдаги сув сатхини ўлчаш қурилмаси ва Муҳаммадсодик Юсуповнинг “Телефон орқали чўқма насос станциясини бошқариш” GSM-технологияси қурилмаси Сув хўжалиги вазирлиги мутахассислари томонидан саралаб олиниб, амалиётга жорий этиш учун тавсия қилинди.

Бошқа қурилма ва дастурларни такомиллаштириш бўйича таклифлар берилди.

**Матбуот хизмати**

## АҚШ әлчиси билан учрашув ўтказилди

**26.06.2019 09:00**

Кўрилди: 1456

2019 йил 25 июнъ қуни Сув хўжалиги вазири Шавкат Хамраев АҚШнинг Ўзбекистондаги Фавқулодда ва муҳтор әлчиси Даниэл Розенблюм билан учрашув ўтказди.

Учрашув аввалида Ш. Хамраев сўнгги йилларда Ўзбекистон Республикаси Президенти Шавкат Мирзиёев томонидан олиб борилаётган оқилона сиёsat натижасида мамлакатларимиз ўртасидаги ўзаро ҳамкорлик янада юқори босқичга кўтарилганини алоҳида таъкидлади. Шу билан бирга, мамлакатларимиз турли йўналишлар бўйича ҳамкорликни янада кенгайтириш учун улкан салоҳиятга эга эканлигини қайд этди.

Вазир юқори мартабали меҳмонни Ўзбекистон сув хўжалигининг бугунги ҳолати билан қисқача танишириар экан, сув ва энерготежамкор технологияларни жорий этиш, сувдан фойдаланиш самарадорлигини ошириш бўйича кўрилаётган чора-тадбирлар, халқаро молия институтлари ва ташкилотларининг грант ва кредит маблағлари ҳисобидан амалга оширилаётган лойиҳалар, миллий иқтисодиётнинг сув хўжалиги секторини янада ривожлантириш бўйича режалар ҳақида атрофлича тўхталди.

Элчи самимий учрашув учун миннатдорлик билдирав экан, Америка томони мавжуд ҳамкорлик кўламини янада кенгайтиришдан манфаатдор эканлигини таъкидлади. Шу муносабат билан ҳар иккала томон ўзаро манфаатли ҳамкорликни йўлга қўйиши мумкин бўлган соҳалар билан қизиқди.

Ўз навбатида вазир мамлакат иқтисодиёти, жумладан, қишлоқ хўжалигини ривожлантиришда сув хўжалиги асосий ўрин тутишига эътибор қаратиб, Американинг етакчи компанияларини Ўзбекистон сув хўжалиги соҳасини ривожлантириш учун инвестициялар киритишга, хусусан, сув хўжалиги учун зарур ускуналар ишлаб чиқариш бўйича қўшма корхоналар ташкил этишга чақириди.

Сув ва қишлоқ хўжалиги соҳасида ўзаро манфаатли иккитомонлама ҳамкорликка Американинг «SilverLeafe International» компанияси Жиззах вилоятидаги агрокластер фаолиятида муваффақиятли иштирок этаётганлиги мисол қилиб келтирилди.

Ўзбекистон сув хўжалиги соҳаси учун кадрлар тайёрлаш, қайта тайёрлаш ва уларнинг малакасини оширишда Америка томонининг иштироки ўзаро манфаатли ҳамкорликнинг муҳим йўналишларидан ҳисобланади. Шу сабабли Ўзбекистон сув хўжалиги тизими учун мутахассислар тайёрлаш бўйича йирик ва нуфузли олий ўқув юртларидан бири бўлган Тошкент ирригация ва қишлоқ хўжалигини механизациялаш муҳандислари институти фаолияти ҳақида маълумот берилди.

Учрашув якунида томонлар Ўзбекистон сув хўжалигини ривожлантириш соҳасида ўзаро манфаатли ҳамкорликнинг устувор йўналишларини белгилаб

олиш учун учрашув ва мuloқotларни давом эттириш истагида эканликларини билдирилар.

Учрашув дўстона ва конструктив руҳда ўтди.

*Матбуот хизмати*

## **Осиё тараққиёт банки миссияси билан учрашув ўтказилди**

**24.06.2019 19:12**

Кўрилди: 1457

Сув хўжалиги вазири Ш.Хамраев Ўзбекистон ва Осиё тараққиёт банки ўртасидаги ўзаро манфаатли шериклик изчил ривожланиб бораётганини мамнуният билан таъкидлади. Бу борада сув ресурсларини бошқариш бўйича лойиҳалар муҳим ўрин тутади.

Мулоқот чоғида ОТБнинг сув ресурслари бўйича бош мутахассиси Ясмин Сиддиқи Орол денгизи ҳавзасида иқлимга мослашган сув ресурсларини бошқариш лойиҳаси учун Техник кўмакни тасдиқлаш бўйича жараёнлар ҳамда ушбу лойиҳани амалга ошириш муддатлари ҳақида маълумот берди.

ОТБ миссиясининг маълум қилишича, Орол денгизи ҳавзасида иқлимга мослашган сув ресурсларини бошқариш лойиҳаси учун Техник кўмак жорий йилнинг 15 июлида ОТБ Директорлар кенгаши томонидан тасдиқланиши кутилмоқда.

Шунингдек, учрашувда миссиянинг мазкур лойиҳа юзасидан режалаштирган тадбирлари муҳокама қилинди. ОТБ олдинги миссиясининг мамлакатимизга ташрифи чоғида кўриб чиқилган масалалар ижросига эътибор қаратилди.

**Матбуот хизмати**

## **Хоразмда томчилатиб суғориш технологияси бўйича семинар ўтказилди**

**23.06.2019 15:00**

Кўрилди: 1426

Томчилатиб суғориш технологиясини жорий этиш бўйича агротехник тадбирларнинг бориши ва мазкур технологиянинг афзалликлари юзасидан тажриба алмашиб мақсадида Хоразм вилоятида минтақавий семинар ўтказилди. Унда Қорақалпоғистон Республикаси ва Хоразм вилояти сув хўжалиги тизими ташкилотлари раҳбарлари, пахта-тўқимачилик кластерлари ҳамда фермер хўжаликлари вакиллари иштирок этди.

Тадбир Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечиктириб бўлмайдиган чора-тадбирлар тўғрисида”ги 4087-сонли қарори ижросини таъминлаш мақсадида ташкил этилди.

Жорий йилда Қорақалпоғистон Республикасида 27 та пахта-тўқимачилик кластери ва фермер хўжаликлари томонидан 399 гектар, Хоразм вилоятида 23 та пахта-тўқимачилик кластери ва фермер хўжаликлари томонидан 225 гектар пахта хом ашёси етиштириладиган майдонда томчилатиб суғориш технологиясини жорий қилиш ишлари амалга оширилмоқда.

Семинар иштирокчилари Янгибозор тумани “Башкирших” ҳудудидаги “Эрка Юсуф” фермер хўжалигининг 10 гектар майдонида жорий этилган томчилатиб суғориш технологияси ва ғўза парваришида амалга оширилаётган агротехник тадбирлар билан ҳам танишдилар. Мутахассислар янги технологияни қандай ишлатиш, афзалликларини амалда кўрсатдилар.

Шунингдек, иштирокчилар “Боғолон” ҳудудидаги “Хоразм фахри” фермер хўжалигининг 20 гектар ғўза майдонида жорий этилган кўчма эгилувчан қувурлар ва 5 гектар майдонида эгатга плёнка тўшаб суғориш технологияси билан танишдилар.

Савол-жавоб, фикр-мулоҳазаларга бой ўтган семинар иштирокчилари ўргангандан тажрибаларини жойларда амалга тадбиқ этишга келишиб олдилар.

***Матбӯот хизмати***

## Сув хўжалиги ташкилотларига инновацион ускуналар топширилди

19.06.2019 18:28

Кўрилди: 1953

Жорий йилнинг 19 июнь қуни Сув хўжалиги вазирлигига сув йўлининг кўндаланг кесим юзаси, сув сатҳи ва сарфини бир вақтда ўлчайдиган “SonTek S5” русумли доплер-профилограф сув ўлчаш ускуналарини тантанали топшириш маросими бўлиб ўтди.

Сув хўжалиги вазирлиги Бирлашган Миллатлар Тараққиёт дастури билан турли лойиҳалар бўйича ҳамкорлик қилиб келади. Шулардан бири Европа Иттифоқи томонидан молиялаштиралиётган “Ўзбекистоннинг қишлоқ жойларида сув ресурсларини барқарор бошқариш: техник салоҳиятни мустаҳкамлаш (2 компонент)” қўшма лойиҳасидир.

Ушбу лойиҳа доирасида 2018 йилда Сирдарё-Сўх, Кўйи Сирдарё, Зарафшон, Аму-Қашқадарё, Аму-Сурхон ва Ўнг қирғоқ-Амударё ирригация тизимлари ҳавза бошқармалари тизимидағи пилот ҳудудларга мўлжаллаб 6 дона “SonTek S5” русумли доплер-профилограф сув ўлчаш ускуналари харид қилинди.

2019 йилнинг 4–7 март кунлари пилот ҳудудларнинг сув хўжалиги ташкилотлари мутахассислари учун мазкур ускуналардан фойдаланиш бўйича интенвис ўқув курслари уюштирилди.

Ускуналарни топширишга бағишлаб ўtkazilgan тадбирни Ўзбекистон Республикаси Сув хўжалиги вазири Ш. Хамраев кириш сўзи билан очар экан, “Ўзбекистоннинг қишлоқ жойларида сув ресурсларини барқарор бошқариш: техник салоҳиятни мустаҳкамлаш” қўшма лойиҳаси доирасида кенг кўламли ишлар амалга оширилаётганини, ушбу лойиҳа сув хўжалигини ривожлантириш, фермер ва деҳқон хўжаликлари ҳамда қишлоқ ҳудудларида сувдан фойдаланиш самарадорлигини оширишга катта ҳисса кўшаётганлигини таъкидлади.

– Бугунги кунда сув ресурсларидан самарали фойдаланиш нафакат Ўзбекистонда, балки бутун дунёда долзарб масала ҳисобланади, – деди Европа Иттифоқининг мамлакатимиздаги делегацияси раҳбари, элчи Эдуардс Стипрайс. – Бу ускуналар инновацион технология бўлиб, сув сарфини аниқ ўлчаш билан бирга ундан оқилона фойдаланишга ҳам хизмат қиласи. Сувчилар меҳнатини енгиллаштиради.

БМТ Тараққиёт дастурининг Ўзбекистондаги доимий вакили Матильда Димовсканинг таъкидлашича, 2050 йилга бориб дунё аҳолиси сони 9,8 миллиарддан ошиши кутимоқда. Ўзбекистонда ҳам муттасил ўсиш кузатилаяпти. Ўз ўрнида аҳоли сонининг кўпайиши сувга бўлган талабнинг ортишига олиб келади. Шу сабабли, сувдан тежамкорлик билан фойдаланишни ҳаётнинг ўзи тақозо этмоқда. Шундай экан, қишлоқ хўжалиги ва бошқа соҳаларда шу каби янги ускуналардан, замонавий сув тежовчи технологиялардан фойдаланишга ўтиш даври келди.

Мутахассисларнинг эътирофича, бу ускуна йирик каналлар, дарёлар ва 15 метргача чуқурликдаги сув омборларида ишлатилади. Оқим тезлиги, йўналиши, сув сарфи ҳақидаги маълумотларни кўрсатади. Шунингдек, канал ўзани ва сув омборлари тубида лойқа тўпланиш ҳажмини аниқлаш имконига эга.

Бундан ташқари, дарё ва каналларда ўзан жараёнлари бўйича илмий-тадқикот ишларини олиб боришда қўл келади.

Тадбирда сўзга чиққанлар “SonTek S5” русумли доплер-профилограф сув ўлчаш ускунасининг афзалликлари, ундан фойдаланиш, келгусида ҳамкорликни янада мустаҳкамлаш ҳақида фикр билдирилар.

***Матбуот хизмати***

## **Сирдарё вилоятида 868 гектар пахта майдонларида томчилатиб сугориши технологияси жорий этилмоқда**

**17.06.2019 10:00**

Кўрилди: 1404

Жорий йилнинг 14 июнь куни Сирдарё вилоятида томчилатиб сугориши технологиясини жорий этиш бўйича агротехник тадбирларнинг бориши ва мазкур технологиянинг афзалликлари юзасидан тажриба алмашиш мақсадида минтақавий семинар ўтказилди. Унда Сув хўжалиги вазирлиги, Ирригация ва сув муаммолари илмий-тадқиқот институти мутахассислари ҳамда Жиззах,

Сирдарё ва Тошкент вилоятлари сув хўжалиги тизими ташкилотлари раҳбарлари, пахта тўқимачилик кластерлари, фермер хўжаликлари вакиллари, томчилатиб сугориши технологияларини қуриш-монтаж ишларини олиб борувчи пудратчи ташкилотлар мутахассислари иштирок этди.

Сирдарё вилоятида ҳам пахта хомашёси етиштиришда илфор усуллар, жумладан томчилатиб сугориши технологиясини жорий қилиш борасида кенг кўламли ишлар амалга оширилмоқда. Бунда Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб сугориши технологияларидан кенг фойдаланиш учун қулай шартшароитлар яратишга оид кечиктириб бўлмайдиган чора-тадбирлар тўғрисида”ги 4087-сонли қарорида белгиланган имтиёзлар фермерларга қўл келаяпти. Хусусан, жорий йилда Сирдарё вилоятида 1 кластер, 1 қўшма корхона, 11 фермер хўжаликлари томонидан 868 гектар (шундан 678 гектар банк кредити ва 190 гектар ўз маблағлари хисобидан) пахта майдонларида томчилатиб сугориши технологияси жорий этилмоқда.

Сирдарё туманидаги “Peng Sheng” Ўзбекистон-Хитой қўшма корхонасининг 90 гектар майдонида “Agro eco texnologi” қурилиш пудрат корхонаси томонидан томчилатиб сугориши технологиясини қуриш ишлари якунланди. Семинар иштирокчилари ушбу қўшма корхона далаларида бўлиб, ғўзанинг ривожи, янги технологиянинг афзалликлари билан танишдилар.

Шунингдек, иштирокчилар Сув хўжалиги вазирлиги ва “Bek cluster” МЧЖ ҳамкорлигига сув тежамкор технологияларни жорий этиш бўйича ташкил этилган кўргазмали илмий-тажриба участкасидаги 100 гектар майдонда қурилган томчилатиб сугориши технологиясини бориб кўрдилар. Шу ернинг ўзида фермер хўжаликлари вакилларига мутахассислар томонидан керакли тавсиялар берилди.

**Матбуот хизмати**

## **Сув хўжалиги учун мутахассислар тайёрлаш, қайта тайёрлаш ва малакасини ошириш борасидаги ишларга бағишлиланган матбуот анжумани ўтказилди**

**13.12.2019 14:15**

Кўрилди: 1497

Жорий йилнинг 13 июнь куни Сув хўжалиги вазирлиги томонидан сув хўжалиги тармоқлари учун мутахассислар тайёрлаш, қайта тайёрлаш ва малакасини ошириш борасида амалга оширилаётган ишларга бағишлиланган матбуот анжумани ўтказилди. Тошкент ирригация ва қишлоқ хўжалигини механизациялаш муҳандислари институтида бўлиб ўтган мазкур анжуманда вазирлик мутахассислари, соҳа олимлари, битирувчилар ҳамда оммавий ахборот воситалари вакиллари иштирок этди.

Матбуот анжуманида Сув хўжалиги вазири ўринбосари А.Мирзаев, Тошкент ирригация ва қишлоқ хўжалигини механизациялаш муҳандислари институти проректори Б.Мирзаев ва бошқалар сўзга чиқиб, мамлакатимизда Президентимиз Шавкат Мирзиёев раҳнамолигида сув хўжалиги тизимини ривожлантириш, сув ресурсларидан самарали ва тежамли фойдаланишини йўлга қўйиш, бунда ресурстежамкор технологияларни кенг жорий этиши орқали қишлоқ хўжалиги экинларидан мўл ва сифатли ҳосил етиштириш орқали ҳалқимиз дастурхони тўкинлигини таъминлаш борасида кенг кўламли ишлар амалга оширилаётганлигини таъкидлади. Соҳада самарадорликка эришиш кўп жиҳатдан замонавий, мустақил фикрлайдиган, билимли ва ташаббускор кадрларга боғлиқ. Зеро, яхши кадрлар етиштирмасдан, уларни саралаб, муносиб жойларга қўймасдан хеч қайси бир соҳани ривожлантириб бўлмайди.

Анжуманда қайд этилдики, Ўзбекистон Ресбуликаси Президентининг 2018 йил 17 апрелдаги “Ўзбекистон Республикаси Сув хўжалиги вазирлиги фаолиятини ташкил этиш чора-тадбирлари тўғрисида”ги қарорига мувофиқ вазирлик тизимига 280 та бюджет, 72 та хўжалик ҳисобидаги ташкилотлар бириктирилган бўлиб, уларда қарийб 40 минг нафар мутахассис-ходим фаолият юритиб келмоқда. Жами ходимларнинг 7400 нафари олий маълумотли мутахассислар, 18256 нафари ўрта маҳсус ва 14267 нафари ўрта маълумотлидир.

Вазирлик номенклатурасидаги кадрларни қайта тайёрлаш ва малакасини ошириш ишлари тизимли йўлга қўйилган. Жумладан 2018 йилда тизимдаги ташкилотларда ишлаётган 291 нафар раҳбар-ходимларнинг малакаси оширилди ва уларга тегишли сертификатлар берилди. Бундан ташқари, ўтган бир йил ичida вазирлик тизимидағи ташкилотлардан 100 нафарга яқин ходим дунёning ривожланган давлатларида малака ошириб қайтди.

Вазирлик кадрлар бошқармаси томонидан Тошкент ирригация ва қишлоқ хўжалиги механизациялаш муҳандислари институти ва унинг Бухоро филиалини охирги уч йилда тамомлаган битирувчиларнинг маълумотлар

базаси шакллантирилди. Шу асосда 300 га яқин ёш мутахассислар ишга қабул қилинди.

Мамлакатимиз сув хўжалиги тизимиға мутахассис-кадрлар асосан Тошкент ирригация ва қишлоқ хўжалигини механизациялаш муҳандислари институти томонидан етказиб берилади. Вазирлик билан Тошкент ирригация ва қишлоқ хўжалигини механизациялаш муҳандислари институти ўртасида тузилган шартномага мувофиқ, институт талабаларининг ўқув-танишув ва ишлаб чиқариш амалиётлари тизимдаги ташкилот ва корхоналарда ташкил этилмоқда.

Анжуман якунида мутасаддилар журналистларнинг саволларига жавоб қайтарди.

*Матбуот хизмати*

## Қашқадарёда томчилатиб суғориш бўйича семинар ўтказилди

**08.06.2019 09:00**

Кўрилди: 1496

Жорий йилда Қашқадарё вилоятида жами 346 гектар майдонга томчилатиб суғориш технологиясини жорий қилиш учун кредит олиш истагини билдирган пахта хом ашёсини етиштирувчи 14 та фермер хўжалигига “Агробанк” АТБ томонидан умумий қиймати 5,556 млрд. сўм кредит шартномалари расмийлаштирилди. Ҳозирги кунгача 4,496 млрд. сўмлик кредит маблағлари ажратилди ва қурувчи пудрат корхоналари ҳисоб рақамига ўтказиб берилди.

Айни пайтда 9 та фермер хўжалигининг 193 гектар пахта майдонига томчилатиб суғориш технологиясини ўрнатиш якунланган бўлиб, уларда ғўза майдонларини суғориш ишлари олиб борилаяпти. 5 та фермер хўжалигининг 153 гектар пахта майдонида ҳам технологияни ўрнатиш ишлари охирига етай деб қолди.

Томчилатиб суғориш технологиясини жорий этиш бўйича агротехник тадбирларнинг бориши ва мазкур технологиянинг афзалликлари юзасидан тажриба алмашиш мақсадида Қашқадарё вилоятида республика минтақавий семинари ўтказилди. Тадбир Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб суғориш технологияларидан кенг фойдаланиш учун қулай шарт-шароитлар яратишга оид кечиктириб бўлмайдиган чора-тадбирлар тўғрисида”ги 4087-сонли қарори ижросини таъминлаш мақсадида ташкил этилди.

Унда Сув хўжалиги вазирлиги, Ирригация ва сув муаммолари илмий-тадқиқот институти мутахассислари ҳамда Самарқанд, Бухоро, Навоий, Сурхондарё ва Қашқадарё вилоятлари сув хўжалиги тизими ташкилотлари раҳбарлари, пахта-тўқимачилик кластерлари, фермер хўжаликлари вакиллари иштирок этди.

Тадбир иштирокчилари дастлаб Аму-Қашқадарё ирригация тизимлари ҳавза бошқармасида ташкил этилган вилоят Сув хўжалиги музейи ҳамда Ирригаторлар ва мелиораторлар ассоциациясининг фаолияти билан танишди.

Шундан сўнг қатнашчилар “Шўртангазкимё” мажмуасига қарашли “Қарши термопласт” корхонасига ташриф буюрди. Бу ерда маҳаллий хомашё асосида томчилатиб суғориш технологияларининг бутловчи қисмлари ва тайёр маҳсулотларни ишлаб чиқариш жараёни билан танишдилар.

Семинар иштирокчилари Нишон туманидаги “Зиёдилло Фармонов” фермер хўжалигининг ғўза экилган майдонларини бориб кўрди. Бу ерда томчилатиб суғориш технологияси асосида парваришланётган ғўзанинг ривожи, шу кунларда бажарилаётган агротехник тадбирлар тўғрисида ахборот берилди.

Томчилатиб суғориш технологиясини кўллашда фойдаланиладиган техника ва маҳсус маҳсулотларнинг кўргазмаси ташкил қилиниб, мутахассислар уларни қандай ишлатиш, афзалликларини амалда кўрсатдилар.

Шунингдек, Ирригация ва сув муаммолари илмий-тадқиқот институти олимлари лоток тармоқларини илмий тадқиқотлар асосида таъмирлаштиклаш, уларни ишлатиш муддатларини узайтириш масалаларини амалий тарзда ёритиб бердилар.

Семинар иштирокчилари Миришкор туманидаги “Холиқулов Саттор” фермер хўжалигининг пахта майдонларига жорий этилаётган томчилатиб сугориш технологияси ва ғўза парваришида амалга оширилаётган агротехник тадбирлар билан ҳам танишдилар.

Савол-жавоб, фикр-мулоҳазаларга бой ўтган семинар иштирокчилари ўргангандан тажрибаларини жойларда амалга тадбиқ этишга келишиб олдилар.

***Матбуот хизмати***

## **Ҳайъат йиғилишида тизимда амалга оширилаётган ишлар таҳлилий-танқидий мухокама қилинди**

**25.05.2019 14:30**

Кўрилди: 1322

Жорий йилнинг 25 май куни Ўзбекистон Республикаси Сув хўжалиги вазирлиги Ҳайъатининг навбатдаги йиғилиши бўлиб ўтди. Ҳайъат аъзолари, вазирлик марказий аппарати масъул ходимлари, тизимдаги республика ташкилотлари раҳбарлари, шунингдек, жойлардан Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, сув хўжалиги ташкилотлари ҳамда корхоналари раҳбар ва мутахассислари иштирокида ўтган видеоселектор йиғилишида тизимда амалга оширилаётган ишлар таҳлилий-танқидий мухокама қилинди.

Йиғилишни Сув хўжалиги вазири, ҳайъат раиси Ш.Хамраев бошқарди.

Кун тартибидаги Ўзбекистон Республикаси Вазирлар Маҳкамасининг 2018 йил 3 июлдаги “Ўзбекистон Республикаси Сув хўжалиги вазирлиги фаолиятини тартибга солувчи норматив-хукуқий ҳужжатларни тасдиқлаш тўғрисида”ги 500-сонли қарорининг 1-иловасига мувофиқ тасдиқланган Ўзбекистон Республикаси Сув хўжалиги вазирлиги тўғрисидаги Низомда белгиланган вазифаларнинг ижросини таъминлаш юзасидан Норин-Сирдарё ирригация тизимлари ҳавза бошқармаси томонидан олиб борилаётган ишлар мухокамасида қайд этилдики, ўтган давр мобайнида бу борада муайян ишлар амалга оширилган бўлсада, хато ва камчиликлар, қолоқликларга йўл қўйилган.

Қишлоқ хўжалиги эҳтиёжлари учун етарлича сув етказиб берилган бўлсада, айrim ҳудудларда суғоришга берилаётган сув қаровсиз қолдирилганлиги, суғориш ишларининг тўғри ташкил этилмаганлиги оқибатида сувни зовурларга беҳуда ташлаб қўйиш ҳамда ғалла майдонларига ажратилган сувни бошқа экинларини суғоришга йўналтириш, суғоришда ресурстежамкор усусларни жорий этишга етарлича эътибор қаратмаслик, сув хўжалиги иншоотларини таъмирлаш, тозалаш ишларини пухта бажармаслик, инвестиция дастурида кўзда тутилган прогноз параметрларининг бажарилишини таъминлашда сусткашликка йўл қўйиш каби салбий ҳолатлар кузатилган.

Йиғилишда Ўзбекистон Республикаси Президентининг 2018 йил 27 декабрдаги “Пахта хом ашёсини етиштиришда томчилатиб суғориш тизимини кенг жорий қилиш учун қулай шароит яратиш бўйича кечиктириб бўлмайдиган чора-тадбирлар тўғрисида”ги ПҚ-4087-сонли қарорида белгилаб берилган прогноз кўрсаткичларнинг бажарилиши юзасидан Самарқанд ва Навоий вилоятларида олиб борилган ишлар юзасидан мутасадди раҳбарларнинг ахбороти ва ҳисоботи ҳам эшитилди.

Зарафшон ва Қуи Зарафшон ирригация тизимлари ҳавза бошқармалари томонидан томчилатиб суғориш технологияси ва бошқа сув тежовчи технологияларни жорий этиш бўйича прогноз кўрсаткичларни бажариш

юзасидан эътиборга молик ишлар амалга оширилган бўлсада, ҳозирги кунда ўз ечимини кутаётган масалалар ҳам мавжуд.

Жумладан, Самарқанд вилоятида 2019 йилда жами 366 гектар пахта хом ашёси етишириладиган майдонларда томчилатиб суғориш технологиясини жорий қилиш учун кредит олиш истагини билдирган 10 та хўжалик юритувчи субъектларга банк муассасалари томонидан умумий қиймати 5,5 млрд. сўмлик кредит маблағлари ажратилиб, қурувчи пудрат корхоналар ҳисоб рақамига ўтказиб берилишига қарамасдан Иштихон туманидаги “Толибжон Саъдуллаев”, “Ўртақишлоқ”, “Беҳзод Шодиёров”, “Болиев Алишер боғлари”, Пастдарғом туманидаги “Нематулла Шербобур” каби фермер хўжаликларида ҳанузгача томчилатиб суғориш технологиясини қуриш-монтаж ишлари якунига етказилмаган.

Навоий вилоятида жорий йилда жами 251 га пахта майдонларида томчилатиб суғориш технологиясини жорий қилиш бўйича банк муассасалари томонидан 4,6 млрд. сўмлик кредит маблағлари ажратилиб, қурувчи пудрат корхоналари ҳисоб рақамига ўтказиб берилишига қарамасдан Қизилтепа туманидаги “Рустам Душам”, Хатирчи туманидаги “Элёр Қўлдош Саховати”, “Орзу” фермер хўжаликларида томчилатиб суғориш технологиясини ишга тушириш кечикирилмоқда.

Шунингдек йиғилишда, республикамизда сув ресурсларидан оқилона фойдаланишни йўлга қўйиш, чекланган сув миқдорини ҳар бир истеъмолчиларга аниқ ҳисоб-китоб асосида ўз вақтида етказиб беришда сув ўлчаш қурилмалари (гидропостлар) ва ўлчаш воситаларини техник жиҳатдан соз бўлишини таъминлаш, жойларда суғориш штабларини ташкил этиш, мавжуд сув тежаш технологияларини хатловдан ўтказиш, Президентимиз Шавкат Мирзиёев томонидан шу йил 24 май куни олий таълим ва илмий-тадқиқот муассасалари раҳбарлари, академиклар, олимлар, ёш тадқиқотчилар билан учрашув чоғида билдирилган фикр-мулоҳазалардан келиб чиқсан ҳолда соҳада илмий-тадқиқотлар кўлами ва самарадорлигини ошириш, тизимдаги барча ташкилотларда ёрдамчи хўжаликлар фаолиятини янада ривожлантириш каби йўналишларда олиб борилаётган ишлар ҳам муҳокама этилиб, бу борада истиқболдаги вазифалар белгилаб олинди.

Шунингдек йиғилишда, вазирлик ҳайъати ваколатига тааллуқли бошқа масалалар ҳам кўриб чиқилди.

Ҳайъат йиғилишида муҳокама этилган масалалар юзасидан тегишли қарорлар қабул қилинди.

**Матбуот хизмати**

## **Томчилатиб суғориш усулларини жорий этишни кенгайтириш масалалари муҳокама этилди**

**22.05.2019 19:00**

Кўрилди: 1339

Жорий йилнинг 22 май куни Тошкент ирригация ва қишлоқ хўжалигини механизациялаш муҳандислари институтида Ўзбекистон Республикаси Сув ҳўжалиги вазирлиги ва Испаниянинг “AISCO” компанияси томонидан қишлоқ хўжалигида ёмғирлатиб суғориш технологиясининг замонавий усулларини жорий этиш истиқболларига бағишиланган амалий семинар ташкил этилди. Унда соҳа мутахассислари, эксперtlар, Ўзбекистонда иш юритаётган хорижий компаниялар вакиллари, институт профессор-ўқитувчилари ва талабалар иштирок этди.

Семинарнинг очилишида сўзга чиққанлар мамлакатимизда сув ресурсларидан самарали ва тежамли фойдаланиш, суғориладиган ерларнинг мелиоратив ҳолатини янада яхшилаш, қишлоқ хўжалиги экинлари ҳосилдорлигини ошириш масалаларига жиддий эътибор қаратилаётганлигини таъкидлашди.

Қайд этилдики, қишлоқ хўжалик экинларини суғориша ресурстежамкор суғориш технологиялари, жумладан, ёмғирлатиб суғориш муҳим ўрин тутади. Кейинги йилларда бутун дунёда ёмғирлатиб суғоришнинг Pivot ва Linear усуллари оммалашаётир.

Семинарда Испаниянинг “AISCO” компанияси мутахассислари дунёнинг кўплаб сув танқис мамлакатлари қишлоқ хўжалигида жорий қилинган ёмғирлатиб суғориш тизимининг ютуқлари ҳақида маълумот берди. Ушбу компания ишлаб чикараётган ёмғирлатиб суғориш ускуналарининг афзаллиги шундаки, улардан кўп йиллар давомида фойдаланиш мумкин, барча ишлар тўлиқ компьютерлаштирилган.

Тадбирда замонавий суғориш технологияларини Ўзбекистонда ишлаб чиқариш ва жорий қилишни янада кенгайтириш, пахтани парваришлишнинг замонавий усуллари ҳақида ҳам сўз борди.

**Матбуот хизмати**

## **Ҳеч ким эътибордан четда қолмайди**

**22.05.2019 10:40**

Кўрилди: 1816

Хавфсиз ва ишончли ичимлик суви ҳамда санитар-гигиеник шароитлардан бемалол фойдаланиш инсоннинг асосий хуқукларидан ҳисобланади. Чунки, бу хуқуқ инсон қадр-қимматини сақлаш ва соғлом турмуш тарзини қўллаб-кувватлаш учун зарур.

Шунга қарамай, жаҳон бўйича ҳар ўн кишидан учтаси хавфсиз ичимлик сувидан фойдаланиш имконига эга эмас, ҳар ўн кишидан олтитаси санитар-гигиеник хизматлардан етарли даражада фойдалана олмайди.

Аҳоли сонининг ўсиши сувга бўлган талабнинг бевосита (масалан, истеъмол қилиш, гигиена ва майший эҳтиёжлар) ҳамда билвосита (масалан, кўп ресурс талаб қиласидаги товар ва хизматлар, жумладан озиқ-овқат ва энергияга эҳтиёж) ошишига олиб келмоқда.

2017 йил июнь ойига келиб, дунё аҳолиси сони 7,6 миллиард кишига етди. 2030 йилгача 8,6 миллиард, 2050 йилга келиб эса 9,8 миллиард кишидан ортиши тахмин қилинайти. Аҳоли сонининг ўсиши асосан Африка ва Осиё қитъасига тўғри келади.

Шу билан бирга, дунё бўйича қашшоқ одамларнинг қарийб 80 фоизи қишлоқ жойларда истиқомат қиласиди. Бу одамлар барқарор ривожланиш сиёсати нуқтаи назаридан эътибордан четда қолмаслиги лозим.

### **Сув – дунё бўйича долзарб масала**

Юқоридаги маълумотлар Бирлашган Миллатлар Ташкилотининг 2019 йилда сув ресурсларининг ҳолатига бағишлиланган «Ҳеч ким эътибордан четда қолмайди» деб номланган Бутунжаҳон маъruzасида келтириб ўтилган. Маъruzанинг тақдимоти ЮНЕСКОнинг Ўзбекистондаги ваколатхонаси, Ўзбекистон Республикаси Сув хўжалиги вазирлиги ҳамда Тошкент ирригация ва қишлоқ хўжалигини механизациялаш муҳандислари институтининг Сув дипломатияси, сув ресурсларини бошқариш ва атроф-муҳитни муҳофаза қилиш бўйича ЮНЕСКО кафедраси томонидан ташкил этилди.

Тадбирни кириш сўзи билан очган ТИҚҲММИ ректори, профессор Ў.Умурзаков бугун дунёда сув ресурслари билан боғлиқ вазият мураккаблашаётганлиги, сув муаммоси ҳар қачонгидан ҳам долзарб аҳамият касб этаётганлигини таъкидлади.

БМТнинг Ўзбекистондаги доимий координатори Хелена Фрейзернинг эътирофича, сувдан оқилона фойдаланиш бўйича замонавий технологияларни қўллашни кенгайтириш лозим. Муаммолар ечимига фуқаролик жамиятини жалб қилиш ва уларнинг иштирокини рағбатлантириш, аҳолининг сувга нисбатан маданиятли ва эҳтиёткорона муносабатда бўлишини таъминлаш орқали эришиш мумкин.

“Фақат биргаликдаги саъй-ҳаракатлар билан ҳар биримиз сув ресурсларини сақлашга ўз ҳиссамизни қўша оламиз, шундагина келгуси авлод сувдан bemalol фойдаланиши мумкин”, - дейди X. Фрейзер.

### **Бу муаммо Ўзбекистон ва Марказий Осиё минтақасига ҳам хос**

Тадбирда сўзга чиққан Сув хўжалиги вазири ўринbosари Р.Мамутовнинг таъкидлашича, БМТнинг Бутунжаҳон маъruzасида қамраб олинган масалалар бутун дунё ҳамжамияти, шу жумладан Ўзбекистон ва Марказий Осиё минтақаси учун нихоятда долзарб аҳамиятга эга.

Маъruzada келтирилишича, сувга талаб ўсиши билан, афсуски, ундан фойдаланиш билан боғлиқ низолар сони ҳам ошмокда. Агарда 2000-2009 йилларда дунёда сувдан фойдаланиш бўйича 94 та низо келиб чиққан бўлса, 2010-2018 йилларда бу рақам 263 тани ташкил этди.

“Айрим мамлакатлар ва минтақалар сув танқислиги ва трансчегаравий сувлардан фойдаланиш билан боғлиқ мушкул муаммоларни зудлик билан ҳал этиши лозимлиги” маъruzada таъкидланган. Ўйлайманки, бу хулосалар бизнинг минтақамиз учун жудаям қимматли ва фойдали, - деди вазир ўринbosари.

### **2015 йилгача сувни тежовчи технологиялар қўлланиладиган майдонлар 1 миллион гектарга етказилади**

Ўзбекистон учун сув бебаҳо аҳамиятга эга эканлигини ҳисобга олган ҳолда, мамлакатимиз ҳукумати сув ресурсларини бошқариш ва ундан фойдаланиш масалаларига жуда ката эътибор қаратмоқда. Бунда ирригация ва мелиорация инфратузилмаларининг техник ҳолатини яхшилаш, сув тежовчи технологияларни ривожлантириш, суғориладиган ерларнинг сув таъминотини янада яхшилаш, соҳага ахборот-коммуникация, энергия ва ресурстежовчи технологияларни кенг қўллаш, шунингдек, сув соҳасида кадрларни қайта тайёрлаш ва малакасини ошириш бўйича тизимли чора-тадбирлар амалга ошириб келинмоқда.

Шу ҳақда гап борар экан, айтиш лозимки, Ўзбекистон Республикаси Президентининг 2018 йил 27 декабрда қабул қилинган “Пахта хом ашёсини етиштиришда томчилатиб суғориш технологияларидан кенг фойдаланиш учун кулай шарт-шароитлар яратишга оид кечиктириб бўлмайдиган чора-тадбирлар тўғрисида”ги қарорида томчилатиб суғориш технологиясини қўллаган ҳолда пахта хом ашёси етиштирувчиларга бир қатор имтиёзлар берилиши кўзда тутилган. Жумладан, Ўзбекистон Республикаси Давлат бюджети маблағлари ҳисобидан пахта хом ашёси ишлаб чиқарувчиларига томчилатиб суғориш технологияларини жорий қилиш учун пахта хом ашёси экиладиган майдоннинг ҳар бир гектарига 8 миллион сўм субсидия тақдим этилади. Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармаси маблағлари ҳисобидан пахта хом ашёси ишлаб чиқарувчиларига томчилатиб суғориш тизимларини қуриш, реконструкция қилиш ва уларнинг бутловчи қисмларини сотиб олиш учун ажратиладиган кредитлар бўйича фоиз

харжатлари тижорат банклари томонидан белгиланган фоиз ставкасидан бир гектарга 20 миллион сўмдан ошмайдиган қисмининг 10 фоизли пункти миқдорида қопланади. Шунингдек, ердан фойдаланувчилар 5 йилга ер солигини тўлашдан озод қилинади. Томчилатиб суғориш тизимлари ва улар учун бутловчи қисмлар олиб кирилаётганида божхона йигимлари ва тўловлари тўланмайди.

Бу имтиёзларни ўзлари учун қанчалик манфаатли эканини англаган фермерлар ва агрокластерлар сувни тежовчи технологияларни жорий этишга катта рағбат билдиromoқда. Мисол учун, жорий йилда республикамиз бўйича 32 минг гектарга томчилатиб суғориш жорий этилаётган бўлса, 2025 йилгача сувни тежовчи технологиялар қарийб 1 миллион гектар майдонни қамраб олиши, бунда томчилатиб суғориш тизими ўрнатилган майдонлар 200 минг гектарга етказилиши мўлжалланган.

Анжуман якунида БМТнинг 2019 йилда сув ресурсларининг ҳолатига бағишлиланган маъruzаси сувдан фойдаланиш бўйича муҳим ҳужжат эканлиги, унда кўтарилиган муаммоларнинг ечимини топишга ҳисса қўшиш, энг аввало, сувни тежаб-тергаб ишлатиш, бебаҳо бу неъматдан оқилона фойдаланиш ҳар биримизнинг бурчимиз эканлиги эътироф этилди.

**Шуҳрат Суюнов,  
Вазирлик матбуот котиби**

## **Сув ресурсларини мукаммал бошқариш бўйича миллий олимпиада ўтказилди**

**20.05.2019 19:45**

Кўрилди: 1298

Жорий йилнинг 20 май куни Тошкент ирригация ва қишлоқ хўжалигини механизациялаш муҳандислари институтида Сув ресурсларини мукаммал бошқариш бўйича миллий олимпиада бўлиб ўтди. Тадбир Ўзбекистон Республикаси Сув хўжалиги вазирлиги, Қозоғистон-Германия университети билан ҳамкорликда ташкил этилди.

Олимпиадада ижтимоий тармоқ орқали онлайн тарзда ариза топширган 28 нафар талаба иштирок этди. Улар дастлабки босқичда 20 та саволдан иборат бўлган тест саволларини ечишди. Энг юқори балл тўплаган 8 нафар талаба иккинчи босқичга йўлланма олди. Талабалар иккинчи босқичда оғзаки саволларга жавоб қайтаришди.

Тошкент ирригация ва қишлоқ хўжалигини механизациялаш муҳандислари институти Сув хўжалигини ташкил этиш ва бошқариш факультети 3-курс талабаси Азизбек Ҳайдаров иккала босқич якунларига кўра энг қўп балл тўплаб, миллий олимпиада ғолиблигини қўлга киритди. Энди у жорий йилнинг август ойида Қозоғистон Республикасининг Олмаота шахрида Марказий Осиё минтақаси бўйича ўтказиладиган Олимпиадада юртимиз шарафини ҳимоя қиласи ва Орол бўйига узоштириладиган экспедицияда иштирок этади.

Тадбир сўнгидаги иштирокчиларга ташкилотчиларнинг фаҳрий ёрлиғи ва эсдалик совғалари билан тақдирландилар.

***Матбуот хизмати***